


我鳥峰詩集

百十五之百二十  
大尾

庫	文	閣	内
三	一	一	和
五	八	三	書
函	三	八	
一	〇	七	
三	冊	號	類
架			

内閣文庫	
番號	和 18387
冊數	30 ( 15 )
函號	205 162



淺草文庫

和學講談所

我鷲峰先生林學士詩集卷第百十五

東明集三十

延寶七年正月  
至同年四月

已未元旦口號竊寓規祝之意

武德重熙金鐵城嫩梅稚柳待新生黃袍春暖出平

震此示氣風高夾馬營

同日自巳口號

乾元一氣古來今萬物無私天地心六十二年飛鳥

過易林上下聽遺音

小過有飛鳥象此卦自乾  
筭之當六十二與余齡合

和直民歲且祝詩韻

交泰吉亨分兩儀雲霞祥瑞捧晴曦春風冰釋喜彌  
月鳥唱初生載育詩

又和元日讀易詩韻

卦位圓方先後圖陰陽運轉幾春敷震勇用事感乾  
退我老東風汝壯夫

和嫡孫春宗歲旦小絕二首韻

解凍谷風温梅開萬物元兒嬉陳俎外筆戲答會言

東又

十歲遇青春萌芽花柳新東風燕窺視習誦侍家親

已未孟陬鳴原城主源君忠房被示歲旦倭歌  
二首隨恒例以和呈其尾字

萬里層波雲外遠千春殘雪眼中瞻臘前既進陽春  
脚迎歲殊知物色添立春在年前故云爾

四海春風情景鍾園梅庭竹映門松鶯柳花笑太平  
象瑞靄祥雲日影重佳詠有規祝之趣故余亦寓其意

鳴原城主袖其令愛所詠初春三十一言來求  
繼其末字且談飛鳥并亞相被褒賞乃不堪感  
嘆不能不應其旨漫起老吟云爾

知是女郎閨秀才雲霞入語一春催歌如花裡聽啼  
鳥六義風聲織錦來

已未羊日藤君孟幹被示歲初試吹詩五首乃

知不忙了世塵與閑鷗同春聲且思親之心彰

於其中殊可感賞遂和其韻以為適日待來尋

之設

西洋浩蕩遠流深萬水朝東殘雪林改歲今分虞舜  
半春波不隔慕親心

馬日夜雪對梅花而作

年後餘寒雪轉飛素梅同色映書幃壽陽明日增粧  
點不指王妃為昨非

蠟梅

水戶邸園有蠟梅舊臘花盛相  
公賦詩春初被求拙作故云爾

麴塵染出蠟傳光冰雪花開風信香冷蕊枝寒黃世  
界驚看菊後整坤裳

又

寒梅異樣著黃綿金萼枝橫香暗傳何世詩人顏色  
似豫章太史字庭堅

又別賦一首

不白不紅花有神放黃一色洗芳塵蠟丸封綻度關  
外香自南枝暗漏春

賀板倉筑後守六十筭

前筑州太守板倉君重直曾以累世甲族歷試登  
庸爲侍衛直長夙夜不懈御前十有餘年  
頃年退晦自養蓋進止有時之意乎今春遐筭滿  
六旬應其嫡姪石牧君重道之求綴絕句一章奉  
擬尚齒之慶賀

幽居日永老烟霞昔候幕營今在家來往春風華

甲子退藏自愛塢中花

已未正月十日家塾恒例雅會示二題

楊柳招人

隄柳依依十里餘綠情日厚勝於花輕柔枝裊風絲  
引繫得門前長者車

山悅鳥性

張翼翱翔上下遊回岩喬木過林丘倦飛知止動中  
靜鳴也不鳴山更幽

已未孟春荅藤倫贈紅梅一株

東風寄信暗香聞，花淡臙脂春一分。管相殿中殘色遠，儒林今又捧紅雲。

已未孟春既望遊芝園應主人之求詠照水梅  
其色淡白紅點葉皆下低不向上面故有照水之名云

風信一番早，微紅淡白姿。枝如上連，花似中虛。三露濕玉垂地影，纖星落池月寒清。淺水照讀石永詩  
中字或去聲與仲通

喜雨於自閑齋作 正月十七日

地燥喜逢雨，臨池為少留。既消春草慮，自掃火災愁。  
園濕生芽甲，田肥播麥牟。鶯吟檐滴響，風外入農謳。  
同席和春宗詠春山韻

峰高殘雪霽，有待百花開。風遠老心靜，時聞喚子啼。  
倭歌有喚子鳥

梅船歌二十韻

一樹梅花橫枝連，形勢恰似渡江船。元是生長良熟側，今則移栽南塚邊。兩地雖有高下異，疎影暗香自依然。前臘前冰雪含蓓蕾，便是陽信一番先。年後花開玉

磨出餘花較遲，獨嬋娟何遜。官閣詩興動，董子園帷亦可寒。著眼此樹說形勢，枝似竿，梅花似旃。百朵千萼，東風渡錦帆，絲纜映雲烟。山光水色高低，影白自明月照回，天想像吳艦，臨赤壁彷彿。淝水破苻堅，花是爲魁，必報捷以小擬大。自古然若準道世遊湖，面雨奇晴好，范蠡扁孤山水月浮動，影縮衣同色。鶴翩翻風水洞，橋落瓊萼，使關擔頭枝隨鞭。壁諸隆中臥龍勢飛鱗，堅甲領垂涎不羨武陵桃，夾岸同氣兄弟有水仙在池，楚水楓林下潛夫爲我誤，十年無奈不

向汨羅泛也足，玉色程過川。米家書畫小字寫康節，露朱心易編南面枝，搖道南脉羅浮村影，問洛淵

楊龜山赴洛師程明道及其南歸程子曰道已南龜山傳羅仲素仲素傳李延平朱子學延平是道南一脉也仲素讀書於羅浮此羅浮山有梅花村先考書室號羅浮乃是惺窩名之也又稱梅花村此未句寓微意

奇夜吟二首

梅邊得月倚欄干，開戶雪飛添剽寒。一夜三奇雙眼冷，雪月梅花抱獨看。

月在天心梅在籬，同雲雪起夜光奇。若教公任賞斯

景駒雪月前攀一枝正月十八日夜

雪朝口號

精神不俗景皆佳雪霽吟梅豈有乖意定何論朝與

暮詩成喚起蔡蒙齋蒙齋詩薄暮詩成天又雪與梅併作十分春

古風十六韻謝勿齋藤君惠枸杞茶

石州佳產枸杞茶分贈忍圃一器惠枸杞非茶各別  
種摘葉碾磴落細細色如蒼壁淡於茶有味無味未  
可說一碗試嘗齒牙潤二碗入喉無礙滯三碗透腹  
澆石碓四碗滿腹徹肯脍五碗六碗洗臟腑七碗風

清心月霽夜窓未唱玉川歌烏甌惟倣橫渠啜聞說  
枸杞能却老與菊相並栽庭砌維杞維菊同得壽龜  
蒙前賦坡翁繼顯聖寺裡曾直詩仙苗猶言萬年計  
仙不可求壽難期短世頽齡阿誰制知否江陵張敬  
夫不嗜厚味愛甘脆醫家者流論藥性諸病修治定  
方劑就中擇取明眼精只願屢飲除昏翳枸杞茶分  
枸杞茶碗碗潤身漱六藝感得芳惠不輕淺枸杞不  
馨壁蘭蕙

已未正月二十三日顯考諱辰謹綴排律一篇



供靈位之下  
分體貽謀漸不肖愁傳萬軸五車書教嚴屢受淵明  
責恩愛曾蒙福時譽才德崇高譬山斗音容渺茫泣  
堪輿感春二十有三度筭日七千九百餘幹蠱惟艱  
須匪勉招寬短些盍歸歟忌辰永慕終身喪微奠致  
誠羞菜蔬

和堅在塾十一年陪侍之勤夙夜不懈其間欲  
養親之志不忘於心己未之春應佐倉城主之  
招筮仕事成乃是學也祿在其中自得毛義奉

穉之喜者乎授一絕以祝之

問道尋師寄一身遠遊無日不思親十年對讀士峰

雪八葉雲揚千葉春 佐倉城本是自  
千葉所移也

臥內聞鶯

人生事業幾千百變態雲過昨亦昔短宵交睫睡早

醒曉鶯一轉夜既白 二月三日

園中晚步仄體十韻

繞園徐步夕陽傾出自塾南經塾北良塾前後任脚  
過靜觀指望又憇息素梅半殘帶餘寒暗香纔吹滅

玉色中有紅萼將開敷接隣管梅可回德杏花紅釋  
菜近不紅艷倚雲孔壇側桃嬌似與上巳期絳緋交  
碧小鳩飾白櫻猶遲擅一場鶯梭日日錦繡織長架  
藤蔓未揚波東欄梨雪豈頃刻三分春色餘二分次  
第番風來得得驚看群鳥飛歸林不覺西山既昏黑  
已未仲春中下釋菜賦幸野春雨  
待春畎畝一耕夫膏澤沛然其道腴幸野望雲時雨  
降唐虞餘化石來蘇

又

先覺天民耕有莘沛油仁澤喜官屯一犁雨過愔然  
改萬國復逢堯舜春

同日後宴賦梅窓讀易

乾始坤生元氣資破顏冰雪玉參差影橫南北自交  
易日月窓開春一枝

又

水月枝橫踈影連入窓自有易圖懸花移點點列星  
象窺見羲文先後天

已未之春宮津城主江君裁元日一律一絕遠

寄武之忍岡及仲春中旬傳達焉且見我家試  
春之作各被惠高和於是直民賡其律韻余繼  
其絕句之響以報謝云爾  
瑞日祥雲離海生天雞窓曙聽歡聲松橫戈戟花迎  
劍衙裡春風累世英

官津城主見我家孫春初小絕辱賜高和五首  
皆寓十歲故事厚惠之至豈尋常哉直民和奉  
如被寄之數余老懶不能做之纔拾其餘呈二  
首贅焉

童蒙十歲春日永夢知新幸被召公識孫謀由祖親  
已未二月十七日村願言寄辛夷樹一株補余  
庭之所亡乃栽之南墩下作古風二十韻以示  
村願言

辛夷樹分辛夷樹再栽再枯今又栽花雖異樹顏色  
似主人雖同髻于德主人呼爲舊相識彷彿前度劉  
郎來爲花欲說閑言語往年記歌既竭才陳言爲贅  
新得未求而難成費敲推此花本有迎春稱桃李未  
開早亞梅倚雲紅杏相伯仲比並山櫻爲先魁浴雨枝

濕勝梨雪映月花麗移瑤臺曉日靚粧林鷓鴣東風  
吹香蜂成蝶花芽象筆古竈頭藥相何必獨公台木  
理似柳却剛堅宜與梗楠爲良材數尺猶期松樹高  
託根泰山又徂徠於牆木桂雖假色笑他朝開暮落  
纔仙椿同操白主姿靈壽遐齡山不頽時維二月歲  
奉肖國俗所名有故哉昔聞問花於南宅今亦南墩  
相攸培試指西廡擬輞川王裴遊魂定返回塢廣墩  
狹不聲境信候不違花新開有友携手無則獨隨風  
步月自徘徊不求紅紫誇富貴坐花承露拂塵埃門

人姓村諱顧言擔頭贈寄小崔嵬一物補<sub>レ</sub>園貴然  
格汝花下勸一盃南宅輞川二事往年  
所言其餘皆非陳言

園中櫻花有名而未題詠者惟多就中吟八品併  
往年十品十八品爲三十六品豫邵子三十六  
官都是春句

鶴表幹直而花白取<sub>レ</sub>了令  
威化鶴集萃表之義

幹如翠表立花似白鶴集令威歸自遼聲露縞衣濕

廬瀑枝高而有飛  
流直下之勢

濺玉瀑泉垂挂川千尺枝練飛花太白餘瀝洗徐詩

垂絲枝垂如絲

烟霞何染得枝邊素絲輕風化王言出花中不斥名

邵醺

花淡紅取邵子微醺之義

酌霞顏不醜鋪錦小車過微醉風吹面行春安樂窩

隻主一枝枯一枝榮

一分房朵花半得虞卿璧菜華管耶江不雙留其隻

繡西施

以花有美色為名

烟雲花繡施造化天然色香徑不館建聞名戒傾國

紫綸巾

取白櫻桃下紫綸巾句

花光移玉宸粧點鄴宮春一朵當千騎風雲亂紫綸

夾馬營

花紫枝高取諸夾馬營中紫氣高

風香夾馬營花託貴兒生應是春皇瑞雲高紫氣明

以上八首二月二十二日作

晚步尋花

微行無人識吾面幽處探花花利見花識吾耶吾識

花心隨佳境風雲轉

隣寺絲櫻

一株風動玉循環萬縷雲低繹引板花似軍圍開錦

織枝如阿練立翠鬢

花下團樂

株株相對老翁孃子葉孫枝壯稚即遊與韋家花樹  
似坐春樂事夕陽長

二月二十八日高安成霽酒食於良塾探唐章  
莊白櫻桃絕句各賦櫻下春遊余得王種外白

四字

休說鄰家誇洛陽如雲如雪擅春場試在花中冊尊  
號除是吾邦誰稱王

雲葉帶雨華蓋捧香風吹雪素笠重銀河千尺浪噴

花莫做尋常人間種

喚做六花風陣最高枝影動掛縞帶叔夜玉山移於  
斯鄴侯銀城不在外

富嶺入窓雪有迹佳野縮地雲不隔千里鷺毛春風  
遙粧成越女天下白

同席示高安成

白櫻風淨送芳塵人契多春春契人半日吟遊鶯  
曲花其爲王我爲賓

二月晦近藤氏良塾饗席賦桃花探皮日休賦

中二十四言余得厥柔二字

化土濯錦織羅綾嬌艷姬女并吳越絳唇巧笑開粧  
顏碧雲亂落吹老髮岸浪尋源漁人舟春園樂天謫  
仙月紅霞奪却何彼穠子葉孫枝花貽厥

又

栽桃坐愛暫淹留何待玄都前度劉花似楊妃生百  
媚春風手裡碩人柔

上巳藤君孟幹退城背青山而卸吟鞍於忍

岡花下呈一絕要知

春風拂雨日長閑雅客尋花敲良關十倍禹門三級  
浪白雲千尺界青山

同席和呈藤孟幹韻

梅落杏飛雖可惜園櫻管領一場春富峯晴雪送殘  
影滋賀舊都追遺塵玉露林間飄鶴鬢白雲衣上點  
烏巾栲頭花麗壯年面風散不嫌宜髮人

八體一首呈藤孟幹

櫻是本朝花中甲滿蹊枝橫王可拾四望皆雪一  
庭平隨風亂落不凸凹

殊賡藤孟幹詠櫻四韻

人到忍岡春別置東風隔歲結騷盟奈疑佐院遊餘  
色吉野之山詞認聲君實園外雲錦煥漢皇盤上露  
珠清只嫌蜂蝶貪花葉踏雪趁起不耐行

又和藤孟幹首尾吟

任他諾樂八重櫻大輔永言猶有情坐愛忍岡花萬  
朵任他諾樂八重櫻

又摘同人俊歌末字

小岡雖巷陋移得稚櫻宮三十一言詠花開六義風

仄體再吟詠櫻呈孟幹

賞春欣欣名花產千萬顆珠枝為串如雪如波貫之  
云遠山雲入人丸眼已上七首一席

櫻花懷舊

已未三月四日應板石牧之招賦櫻花昔元和癸  
亥三月羅山翁依故尚食奉御重昌之求詠櫻花  
其三四句日幾萬騎兵花下會漢庭宇宙半庭春  
距今五十七年談及此事乃記其曾而同其遊感  
懷殊深於是分探其十四字為韻余得幾騎春三



櫻在植物名最貴韶色輝娟歷姚魏一家繁榮花重  
 光千枝萬朵逢春幾  
 光風映霞春勸醉含英咀葉蜂蝶戲花如組練稍如  
 戈莫說李倫粧千騎  
 五十七年蹤既陳君思顯祖我思親和風不自隔良  
 賤花鳥同筵共契春

已未三月六日明石城主源君信之駐五馬於  
 忍岡花下呈一絕述微意

春風導客良維家爛熳山櫻王有華明石船遙大夫  
 眼白雲千里霧中花

延寶七年李春七莫島原城主源君忠房貴臨  
 忍岡花下呈一絕以漏寸忱

櫻雪滿林飛素鴛蜂遊蝶舞又鶯歌花如錦纜枝如  
 楫風穩西洋萬頃波

花下呈吉良拾遺君以謝其來儀

千朶山櫻簇似霞旬休尋問暫停車春風千里王  
 城遠南殿移香袖裡花

花下奉謝右京兆源君忠倫來遊

金枝扣繖問山櫻花上拋梭黃鳥鳴玉葉緋衣雲織錦次第風光春向榮

賦風摘吉良拾遺君花下俊歌末字

賞櫻三十一字詠春風入手六義正詞花託根心地中化育生生枝葉盛

和島原城主詠聖殿之花俊歌尾字

岡畔櫻開千萬枝香雲添色德風移境雖幽僻以花顯天地自知人亦知

三月十一日櫻峰即興 櫻峰良塾之別名

花開花落坐春風雪散雲殘變態中葉底枝間兩般意半庭陰綠半庭紅

花下曳自閑三十一字之尾二首

六十餘回春色易花落成塵塵無跡白髮千莖風引絲應是年年櫻雪積

光陰早移花過客風前雪飛蹈猶惜滿地紅塵暫假粧忘却面上老色積

三月十二日讀耕弟正忘日追懷無限筆與淚

和詩集 卷第五

落

同胞早世我超羣觸物感時皆嘆嗟十九年來春一  
樣幽明契濶獨看花

花時輿中所見

春風來往簇雲霞皆指東台託見花花下無人辨榮  
辱雅吟聲斷醉歌譁

奉謝源尚舍君惠牡丹三種

日影月華添彩霞濃香帶露玉無瑕淡紅紫白一瓶  
裏春色三分富貴花

花下喜石子方至

花下勝遊烟景新近尋同友遠思親雲霞分色洛陽  
錦櫻雪柳風千里春

晚步

獨吟徐步倚孤筇林鳥知還日夕春西嶺雪殘東海  
月花間晴景併秋冬

又

直下東西南北人紅遠紫往滿城春雖知風景流連  
戒却被櫻花誤一身

和詩集

卷第五

十八

新加櫻花名題十首

五鳳樓 花白有五枝

瑞見漢年豐樓成宋德隆五枝花附翼鳳不必棲桐

紫貝闕 花色紫

勻紫露盈潭春於水府探花編方朔齒色深仰謀鬢

雲關 花紫而淡白

晨光千里霞驟錦競韶華關外隔春色吹香知有花

假銀城 花純白

尚白玉參差城春問漢家風香銀世界雪月不如花

衣錦軍 紅紫微白如錦

花開十四州枝葉世貽謀衣錦煥紅白雲浮吳越遊

銀濤 花在松間

濤影花間見風聲松外聞風濤青白雜萬頃送餘薰

樂浪 花白枝垂如浪

滋賀山櫻煥曾停王者轅舊都湖水漲樂浪洗花根

白眉 取花顏色

蓉峯八葉移吹雪白櫻枝莫比楊妃仗黑花開馬氏眉

飛電

電碎散芳菲風温玉露晞非星又非石雨凝危花飛

崑山

影重遲日移温潤露華滋花美崑山玉卻詵攀一枝

三月十四日藤孟幹再遊花下賦四韻述西歸

在近之趣依其求繼清韻倂叙景情

昨日皆紅今半落一庭改觀綠陰分遶枝餘韻幽鶯

轉隔葉戀香遊蝶芬樹底連牀玉塵影海涯捲浪火

州雲約君歲歲花相似古語既云吾亦云

吉良拾遺家栽櫻花於墻畔連八朵而純白鮮

麗名之曰八重垣應其求作一絕

連枝累萼白雲翻春色增光託本根靈德籠香花

質素我鳥移影八重垣

久娘忌日三月十七日

在世纔三五別來十七年悲風春夢覺花落草芊芊

杜鵑花

花鳥同時自古然花非敢後鳥無先今驚聲色有遲

速未聽杜鵑看杜鵑

杜鵑花紅紫白三種

穠紅深紫白皚皚叢裡杜鵑交色開花似三韓別支  
種朝鮮本號有由來

紫藤歌二十韻

紫藤花分紫藤花去冬移自伯郎家登時未知榮耶  
槁構架數步引長蛇今春生花百房結下垂如帶曲  
成巴縷縷細長二三尺紫英青葉相參差玉露潤色  
掛瓔珞彩雲添影錦繡霞若逢齊桓可敗素却嫌洛  
陽魏氏誇濃於井畔桐花色何比垣裡膨脹茄商嶺  
靈芝之疑在此首陽嫩蕨訖抽芽想昔藤浪分四派南

北式京競豪華三派不漲榮者北遊蝶躬羣蜂趨荷  
君王賜宴臣引綬飛香舍風吹天葩歌仙才女歷朝  
際煥乎其文詞生華中有舊緣把形管其名式部王  
無瑕聞說梁主曾吟詠唐人所言亦不些非秋靜觀  
石上月惜春慈恩阿蘭拏巨山誤做葡萄架光義向  
門遠葉遮或謂茂密隱歌鳥或戒蒙茸磬佞邪或嘆  
春盡芳難再或愁離苦千里賒纏繞倒樹莫謾說唯  
今殊愛花顏姱相期明春彌曼衍千朵萬房花亦加

復靜 應堀田備中守之來 三月二十八日

虚靈通外物退養倚幽扉擇木鳥知止入淵魚自肥  
園尋君實樂臺待子陵歸動靜互終始時宜察是非  
七八句或作風散雲來往仰觀送夕暉

題阿波鳴門圖波面有日影

水闊風驚海路難紅輪捧出浴層瀾世間唯畏鳴門  
險無悟人心危不安

荷葉初浮四月九日自閑齋即席分得四字

池面夏初至荷葉帶露出根穿泥裏抽波隨風之自  
王浮宿鳥棲綠淨遊魚戲何時大如船隻隻雙為四

我鳥峰先生林學士詩集卷第一百十五

新刊詩集  
卷之三十一

我鷺峰先生林學士詩集卷第百十六  
延寶七年六月至  
同八年正月  
夏白即日

我鷺峰先生林學士詩集卷第百十六

東明集三十一  
延寶七年六月至  
同八年正月

夏白即日

杜鵑落後杜鵑鳴  
芍藥殿春殊向榮  
振舌所傳同又  
異葵花傾日抱微誠

病後避暑良塾偶然口占  
六月二十五日

病已猶加慎  
寄身松竹窠  
林幽蟬一曲  
午寂鳥高歌  
破暑涼風至  
先秋落葉多  
三旬遠朝市  
退養自寬適  
千代崎絕景觀  
二十四詠  
往年既成  
今復加十境

新刊詩集  
卷之三十一



延寶己未季夏再應主人之求分題如左

窮自樓

門上一層樓水雲掛寸眸坐馳千里思欲問少陵遊

踏雲橋

臨水臥雲低升高路不迷莫投公遠杖心匠曾般梯

余二首春常三首友元伯元各二首伯庸一首

感時口號

武林草木一枯榮光彩異門幽夢驚馬世上悲歡風雨  
變天心不改月生明

今年夏秋之間二執政歸泉頃日新執政兩人虜  
撰自六月之末至七月之初風雨連日比及中元  
天氣快晴故感寓如此

中元詠鳳仙花

秋風動翼鳳仙容草色滿叢何彼穠葉綴青紗花點  
次夜光添得萬燈籠

水閣聞宮津城圭園池生雙頭蓮應求寄呈二絕

濯漣淨植美人姿並帶雙頭奇又奇太掖池無此花  
在謾言比翼契連枝

花有雙頭立水邊香風吹面濯清漣想夫一曲掖池

動解語爭如並帶蓮

己未七月二十日信收江君停輿於忍圃壘臨

視池蓮裁絕句求和乃賡載云爾

水面蓮殘秋景斜波心捧出欲簪花房垂紅萼葉開

鏡香徹風影泛池些

又詠雙頭蓮

濯漣自不染淤泥並出同根兩主低池面清風分北

海雙頭亭立是夷齊

黑川氏之子道竹自京洛寄二十八言述景慕

之情可以嘉焉依其乃翁道祐之請次韻以表

舊緣之久云

聞說少年家訓傳何忘三世好因緣秋風雖寄征鴻

信千里湘雲隔洛邊

答黑川玄達併賡所寄律詩韻

前頃所諭件件不介于懷簡中懇謝盡矣不耻其

問而覃其思則可以進步可以語文乎而翁之贈

賴其情之厚一律之寄知其志之切累月之間七

茵不秋二旬之前倚杖強起故纔嗣來韻其餘不

多言可莫訝焉

東西兩地隔參辰聞喜專攻學日新努力青襟後生  
子愁遺白髮老儒臣一雙點漆惠投我四韻律篇交  
在神縱是雲山千里遠風潮何厭遞筒頻

已未仲秋三日遊芝園賦卽興

病餘扶老入佳境市遠林深幽鳥鳴松徑重陰青眼  
晴秋叢當畫錦衣明廣園吟步舊規備小舍經營新  
築成世上風雲朝暮閑靜聽脩竹著秋聲

絕句一章餞岡部備後守賜官暇歸岸和田

城岸和田城在和泉國

允風吹袂路悠悠重山複水送前騶新鴈連雲利筱  
往泉南千里稻梁秋已未仲春

八月八日江信牧席上賦秋興得玉字

秋闌雨也奇境靜忘塵俗望閣浮雲遮傍池茂樹浴  
苔濕幽徑通荷殘微風觸似伴杜陵談露清檐滴玉  
同席和主人卽興韻

佳招有約不言微林樹雖秋青只麼荷葉亭亭擎雨  
蓋絕勝紅白滿地多

香山詩集 卷百六

八月十日乘舟遊井伯牧高繩別墅賦水路所  
見

水濶風潮穩浮家安樂窩天低雲浸影流遠海分河  
泳浪羣禽浴傍崖佳木多房陵昏霧隔寸碧指嵯峨  
絕句一章代簡寄乾永貞以述相思之情  
離索何為忘舊知偶來問我我他之秋風一道莫言  
遠胸霧期晴再會時

舟行應秋田淡路守招 八月十一日

一葉輕舟迎我來溶溶漾漾水光開岸欹路斷浮中

凹流響波揚答乃欵倚檻坐看魚入網期晴且喜月  
昇臺興闌日暮忘歸計回首隣雲望良台

曙雲石 嶋周乞之ヲ

舒張觸石生成象未分明耿耿天將曙空濛玉葉橫  
中秋得麟字

秋半天晴無點塵良宵不問汝陰春西風拂霧似西  
狩玉兔毛輜筆獲麟

又來

桂林問起折枝人白露浮空玉一輪秋色十分樓近

香山詩集 卷百六

永<sub>ニ</sub>引<sub>テ</sub>光<sub>ヲ</sub>不<sub>レ</sub>肯<sub>テ</sub>漏<sub>カ</sub>蘇<sub>カ</sub>麟<sub>ヲ</sub>

仲秋既望遊<sub>テ</sub>板石牧<sub>テ</sub>第<sub>ニ</sub>詠<sub>レ</sub>月<sub>ヲ</sub>得<sub>テ</sub>青<sub>ク</sub>字<sub>ヲ</sub>

不<sub>レ</sub>隔<sub>テ</sub>山河月寧馨既望清影可<sub>レ</sub>中庭天成二八蛾眉  
色簾外雲晴顧<sub>レ</sub>諶青<sub>ク</sub>

同席應<sub>テ</sub>主人求<sub>テ</sub>分<sub>テ</sub>賦<sub>ニ</sub>富士四時詠<sub>ヲ</sub>余得<sub>テ</sub>春景<sub>ヲ</sub>

山<sub>ハ</sub>是<sub>レ</sub>扶桑第一宗雲烟變態淡分濃翠微既<sub>ニ</sub>解<sub>テ</sub>巔<sub>ハ</sub>猶  
未<sub>レ</sub>六出花殘八葉峰

已<sub>ニ</sub>未<sub>レ</sub>之<sub>ニ</sub>秋<sub>ノ</sub>餞<sub>ヲ</sub>鳴<sub>テ</sub>周<sub>ニ</sub>歸<sub>テ</sub>洛陽<sub>ニ</sub>以<sub>テ</sub>添<sub>テ</sub>行<sub>テ</sub>色<sub>ヲ</sub>

故鄉千里客衣飄不<sub>レ</sub>厭<sub>テ</sub>五十三驛遙<sub>ニ</sub>當<sub>テ</sub>畫<sub>ニ</sub>紅<sub>ク</sub>楓<sub>ヲ</sub>洛陽

錦秋風利涉<sub>ニ</sub>白<sub>ク</sub>河<sub>ノ</sub>橋<sub>ヲ</sub>

今般島周新叙法橋位有歸鄉之喜白河橋在洛東近都城假

用<sub>テ</sub>古歌東奥州白河<sub>ノ</sub>楓<sub>ヲ</sub>而寓<sub>ス</sub>錦<sub>ノ</sub>旋<sub>ノ</sub>之<sub>ノ</sub>趣<sub>ヲ</sub>

題<sub>ニ</sub>志<sub>ニ</sub>賀<sub>テ</sub>茶<sub>ノ</sub>壺<sub>ヲ</sub>

慈鎮倭歌曰見<sub>ニ</sub>勢<sub>ノ</sub>波<sub>ハ</sub>也<sub>ハ</sub>那<sub>ノ</sub>志<sub>ハ</sub>賀<sub>カ</sub>乃<sub>リ</sub>唐<sub>ノ</sub>崎<sub>ニ</sub>麓<sub>ニ</sub>奈<sub>レ</sub>留<sub>ル</sub>長<sub>ナカ</sub>

等<sub>ラ</sub>能<sub>ク</sub>山<sub>ノ</sub>農<sub>ノ</sub>春<sub>ノ</sub>乃<sub>リ</sub>氣<sub>ノ</sub>色<sub>ハ</sub>遠<sub>ク</sub>云<sub>ク</sub>土<sub>ノ</sub>屋<sub>ノ</sub>相<sub>ノ</sub>模<sub>ノ</sub>守<sub>テ</sub>據<sub>テ</sub>此<sub>ノ</sub>歌<sub>ヲ</sub>

以<sub>テ</sub>名<sub>テ</sub>碾<sub>テ</sub>茶<sub>ノ</sub>壺<sub>ヲ</sub>而<sub>テ</sub>以<sub>テ</sub>人<sub>ノ</sub>見<sub>テ</sub>正<sub>テ</sub>竹<sub>ヲ</sub>爲<sub>テ</sub>介<sub>ト</sub>求<sub>テ</sub>詩<sub>ヲ</sub>作<sub>テ</sub>五<sub>ノ</sub>言<sub>ニ</sub>

絕<sub>ニ</sub>應<sub>テ</sub>之<sub>ヲ</sub>

境<sub>ハ</sub>佳<sub>ク</sub>遲<sub>ク</sub>日<sub>ノ</sub>閑<sub>ク</sub>水<sub>ノ</sub>色<sub>ハ</sub>洗<sub>テ</sub>孱<sub>テ</sub>顏<sub>ヲ</sub>湖<sub>ノ</sub>面<sub>ニ</sub>花<sub>ノ</sub>光<sub>ハ</sub>泛<sub>ク</sub>坐<sub>テ</sub>觀<sub>テ</sub>志<sub>ノ</sub>賀<sub>ノ</sub>山<sub>ヲ</sub>

又

眼青志賀山映水春滿面獨樂猶遣情借衆要常見  
八月二十五日應日州牧源君信之佳招奉賀  
其增祿自播州明石移和州郡山城  
恩祿新加閱闕家移封千里白雲餘吟殘明石浦邊  
月行看金峰山下花

古風十六韻代簡謝芝園主人贈桑酒

昔聞蒲城桑落酒山谷老人寄王郎今看芝園藤主人一壺桑酒贈岡莊園主厚惠勝曾直岡叟鄙陋可  
慚王一酌潤唇滴甘露稍覺微辛瀉肺腸二味調和

自適口風不可中彭豎攘無奈小戶不容斗謫仙百  
篇何企望我無張旭草聖妙盃飲不三右手薑我無  
宗之玉樹質獨然老髯纔舉觴笑指石泓擬井底眼  
花亂落賀知章意足不求酒泉封却嫌蒲萄幸得涼  
濁酒猶有豪氣發酌清素無晦翁量祝融峰遠域亦  
異窓外士嶺西一方子美痛飲我豈敢壯遊自得生  
扶桑微醺聊擬康節面清時有味又添香絕勝蘇家  
宜春酒溫暖宜秋冷忽忘誰知聖世在這裡岡桐風  
至待鳳凰

欵器圖

村奚疑爲同僚請之

滿則覆之虛則欵水中器正自無危一身如器心如  
水招損益謙知者誰

八月晦春宗早朝侍坐且喜且祝示絕句

吾是六旬餘歲翁汝其幼稚待成童吾齡若得延七  
秩汝亦十八傳祖風八音巴借作平聲

雨中偶作

仄體

朝露紛紛向薄暮想像外邊奔走苦唯有禿髮龐眉  
翁林間滴露點朱句

己未九月朔巳嗣愍忌辰感懷殊切

慣看去鴻遵渚來催哀落槿及朝開靈魂何在招無  
返一別秋風十四回

早行

鯨吼鷄鳴驚臥房太陽未出假燈光指門到處數隣  
寶自笑浮生半日忙九月七日

律詩一篇賀村顧言生男九月八日

昔住洛京今武州尋師志學貴于丘移家千里曾停  
馬納室三年互喚鳩翁媪含飴猶具慶夫妻合盃欲

貽謀我孫嬉戲汝生子四世通交菊契秋

傳語老父歡拊推知之余自教意至誕兒識之我父以來至孫汝父識之至有四世之舊好

秋燕

九月十三日源伯蘊第探題

曾見梁間經始忙送秋刷翼去何方  
辭巢欲向烏衣巷  
回顧風流王謝堂

九月十三夜雨

同席

秋雲掩月意何如陰雨濛濛望太虛  
四夜移過重九後  
金生水露滴方諸

已未季秋邂逅長春院法印謾作一律以述情

懷

六年離索隔湘秦何忘通家奕世親  
幽處林深鳥呼友  
冥雲路遠鴈為賓  
雲飛土嶺千秋影  
梅近姑山十月春  
相遇多情談未了  
日歸援止更周諱  
和州郡山城主源君信之使畫土新圖  
本朝五倫余就其中賦君臣以應其求  
三輪高市諫持統帝幸伊勢  
春風催駕百官從  
時有免冠停六龍  
皆喜君主幸宗廟  
諫臣獨悟可妨農



和韻呈江信乃守寄滕子默

乘興來遊潭雅意同心酬和倚欄時聯芳題句池塘

畔秋草勝春留客兒謝靈運小名客兒

九月二十六日赴自閑菴分探十五詠余得其三

山茶花山茶花

山茶微雪催秋末玉英開花信殿於菊與梅不競魁

綠柚

子結自成團口掌最覺酸荆包入州貢太白咏烟寒

緋桃屏

想像太真肥畫屏花發輝緜仙增醉色淺碧深深紅

九月盡

五陽剝盡一陽存陰氣壯強將變坤黃落山川風撲

面讀殘書葉逐塵翻

十月朔及體二首

二氣消長既悟了朔風一陣木葉標純陰亦豈可無

陽靜中含動春猶小

是月當亥日亦亥隨例團餅高盤載醜秦正朔不足

云猶有荆楚時俗在

牧童圖

借問牧童何所之，尋春牛背暖風吹。  
前村無可杏花，指後顧水邊楊柳枝。

宮女遣懷圖 有鶯蝶有海棠有畫欄

深宮日永送晨昏，蝶入門中鶯轉園。  
欄外海棠春色好，吟風閑看亦君恩。

唐詩畫譜遣懷云：小花流鶯啼畫長門，浪蝶翻春烟鎖，蟬眉慵飾，倚欄無限傷心。畫工為此樣而添海棠。

題淺間石 十月十日

石自淺間山下出，所出為名非無緣。  
白色過半赤黑雜，不壞不積凸而堅。廣可一尺高六寸，不斷不磨本自然。  
兩手提持猶是重量，其大則豈一拳。麓間熟看燒痕在，知是淺間山火燃。  
不辨天火耶山火，隔國連雲富士烟。遠近駭矚旅人眼，焦身薰心倭歌仙想像。  
四時朝又夕，須臾變態氣象千。仰之望之難及維，石惟肖几案前。  
意足何嫌小大異，常常坐我淺間巔。題蒙石 同日

向上止自靜，重連良山隆。直下流而漲，存至坎水通。

眼穿千仞險身浮萬里風淵魚潛不躍雲鳥倦難神  
 棧斷迷蜀道波激縮龍宮石兼山水象設名謂之蒙  
 延寶已未秋冬之交長春院法印留江府纒累  
 月有綠洞之召俄賜歸洛之暇風袂難挽雲  
 興既發就想前年之行既為法眼位今早進叙  
 法印刀圭之力有效衣錦之旋增榮於是律詩  
 一篇換飲禰之餞述濟美之賀言臨別之切云  
 萬水千山向洛陽何時再會遠相望楓題錦字添文  
 彩雲曳白衣垂印章綠橘階前斯景好緝芽塢裡幾

春長故園喬木良材備檣梓成基又昔堂

餞武田杏庵英童歸京師

往還千里九重城童子科中逢一英好是江山成助  
 否雲烟落紙筆縱橫

杏菴今年十一真草運筆勢  
 健觀者驚感故句中及此

孟冬中旬赴藤勿齋別墅對紅楓主人賦不體  
 六言一絕余和其一二句十二字使春常和其  
 三四句十二字余所賦如左前九首言楓後三  
 首雜詠

半庭景有誰爭微雨過晚林晴楓葉濕洗吟骨興來  
 添一段清  
 纈纈林落暉紅啼鴉翻霜葉中孰與百花落盡醉人  
 坐了春風  
 殘楓舞飄彩鱗落葉飛積紅塵分影送虞淵暮添光  
 對初日晨  
 楓染霜移錦城遶林攀朶吟行文期虞廷不日彩鳳  
 瑞四目明  
 光霽齊浮風露滑錦樹粧點天闕楚水葉流吳江桂林

霜踏橋月

楓林主人留客酒盈樽詩題石日殘西月出東好哉  
 時佳哉夕  
 霜葉却是勝花吟遊終日停車方冬讀方朔史爇寒  
 喫陸羽茶  
 滿白黃落山川紅楓葉葉光鮮此景益加湘八遠鐘  
 聲響暮烟  
 晚楓添寒月影日短猶愛宵永燭光淡語默間並照  
 一動一靜

遊豫幾度寒暑今夜亦會別墅三十年來舊交變態  
風雲相語

花鳥雪月吟咏武林儒派同心對讀數百千卷與君  
耳古來今

一寸光陰輕壁經書學習悅釋感得流年不留今夜  
至朋為昔

以上六言十二首起筆於黃昏未及戌而成春  
常所作其成早於余二十四首共伯庸清書

瀟湘八景圖 摘錄春宗求覽

山市晴嵐

山下烟晴一道嵐屋比五五或三三有無交易利攸  
往若抱貪心林亦慙

漁村夕照

村翁罷釣繫漁舟曝網屋頭斜日收風擺露乾張萬  
目踈鳥脫出向西流

江天暮雪

整斜疎密白皚皚水色和光寒影開萬玉花飛天既  
暮江南冷笑一枝梅

煙寺晚鐘

不見招提唯指雲華鯨遠響送斜曛闐闐隱隱樓何處只有餘聲兩岸聞

平沙落鴈

冥路秋高千里翔衡陽知候下三湘沙頭亂落岸苔滑前後群飛不失行

遠浦歸帆

浦雲溶曳棹重山浩蕩波瀾落日閑葉葉風輕帆影疾恰如飛鳥倦知還

瀟湘夜雨

繫舟寂寞兩空濛打牖聽殘檠亂蟲淅瀝通宵櫓聲濕崇朝點點滴孤蓬

洞庭秋月

湖平水遠岳陽樓光霽無私萬頃流八百里波明鏡樹高低連影十分秋

田正辰在

勤故雖借退去之速然不能抑其孝心之切乃許其歸鄉添絕句一章

朔風吹送馬蹄塵故苑遠兼佳野隣不待明春櫻雪

積白雲留處問慈親

題武將閣 小田原拾遺求之

本朝武將儼然在閣倍於漢高元功之數多于雲  
臺四七之將加旃六太公金鞞與李靖花陣太平  
之政輔佐之勲盛哉時哉可以庶幾也 延寶己未之冬

征夷將軍日本武尊

倭健戎容猛征西又伐東腰間十束劔草薙偃威風

征夷將軍大納言右大將源賴朝

坐幕滅平族進旗戮秦衛鎌倉創洪業勢壯大君營

*[Faint bleed-through text from the reverse side of the page]*

庚申元旦米薪口號

嗚呼勿謂遇陽春六十二年一病身料識彭仇猶未  
退不陪元會守庚申

庚申正月十日諸生倣塾中例詠鳥聲樂春詩  
我亦病間偶得

无妄藥成身欲安幽禽來問碩人寬鳴而知止不鳴  
亦動靜有時春一般

我鳥峰先生林學士詩集卷第一百十六 終

我鳥峰先生林學士詩集卷第一百十七

東明集三十二

涑水一勺上

庚戌二月三日口授伯庸加點通鑑既終周紀  
乃示古詩一篇兼使覽憲見之併寄郵節定知  
坂亨亦傍觀

一麟既獲九鼎震王道窮而立三晉商鞅入秦函關  
固田知篡齊姜絕亂楚併吳越燕依舊宋衛中山猶  
存僅弱不足云疆者亡攻城野戰張營陣縱橫唯聞



用儀秦仁義不敢說堯舜特雄僭上互相王蔑視周  
室廢朝觀齊威用人四境安魏文有志諸賢進屈原  
離騷悲自沉孟子好辨磨不磷孫臏戰勝涓然樹范  
睢巧說起伏刃燕破於齊笑噲之趙不劣秦賴廉藺  
樂毅去而騎劫將一興一廢在一瞬原嘗信春賓客  
滿漫競豪華帶相印蠻觸角爭龍玄黃伏尸流血馬  
蹂躪誰知嬴氏一庶孽忽被陽翟大賈引馬公筆力  
繼聖經據事直書跡可認文武開基赧王亡開鑑照  
古然我鬢

點通鑑秦紀依伯庸求賦古詩一篇

戰國割據雄者七秦皇如虎奔吞六自謂功德過三  
五天下無敵至尊獨每歲巡狩無不到維舟維車海  
又陸阿房宮殿競紛奢兀然斬盡蜀山木心之所欲  
無不極佳麗三千怡其目無奈壽域自有涯漫求長  
生不死福求之不得果何益鮑魚風起沙丘麓長子  
賜死嗣子昏鹿為馬分馬為鹿一坏未乾山東亂豈  
圖二世衰運縮李斯焚書遂腰斬趙高專權就大戮  
吉凶禍福一場夢咸陽三月煙塵簇懸得萬古一鑑

月幸見餘耀出自涑

庚戌八月二十七夜點通鑑漢紀了作古詩三十韻以示伯庸

星聚東井雲在碣龍顏勃起秦虎僵磔關不守灞上  
軍素車來降軹道傍楚人一炬咸陽火鴻門劍舞伯  
蔽莊一增不能敵三傑蕭守韓戰幄籌良或勝或敗  
五年苦運數畢竟屬漢王南面至尊皇帝位諸侯會  
同朝未央縱然馬上得天卞牢祠致敬孔廟堂嗣子  
柔而如意愛不圖四皓出自商難堪廁中見人疑諸

呂得時勢強梁若非北軍祖尤袖劉氏社稷幾其亾  
產祿伏罪諸族赤何人爲之平勃章幸然迎得守成  
君太宗配祖孝文皇三代之後無可比唯惜賈生謫  
過湘袁晁交惡吳楚反好是亞夫戰功彰十三王子  
各封國徹當儲位榮罹殃賢良對策得仲舒博士並  
立儒風昌何事北征空黷武慕仙安求壽域長求而  
無益悔心萌秋風起而白雲揚長子不淑少子立顧  
託擇入得霍光昭大賀廢病已入譙言中興來鳳凰  
禹雲山誅許史熾舊勲比肩金又張匈奴稱臣遠來

朝威風遠及西域疆太子不堪主器才二疏先見歸  
 故卿石顯弄權蕭傅久劉向上書語而詳成帝踐跡  
 外家貴五侯家家燭煌煌內寵俊幸知幾多稱奴於  
 放趙專房繼嗣無人讓皇姪傳丁二氏互頡頏董賢  
 顯而王莽退一榮一枯槿花牆中山尸位莽復起弒  
 逆篡奪詐多方驚嘆火德二百年一朝燿而脆於霜  
 辛亥九月三日點了通鑑後漢紀賦三十六韻  
 示伯郎

屨中興獨屬劉文叔昆陽城堅八千人尋邑百萬悉  
 敗匈奴王郎被誅河北平赤眉暴戾忽降伏劉永張步  
 相繼僵蘇茂董憲共就戮盧芳勢盡入胡去蒼頭不  
 義彭寵感得隴望蜀述囂亾天下無敵漢業復二十  
 八將風雲盛南宮丹青耀星宿干戈既戢尚儒雅東  
 京教化介景福顯宗尊師養老更辟靡禮節文郁郁  
 肅宗繩武善政多只惜英筆棄世速和帝能奪竇氏  
 權宮掖却使官官黷殤天安立外戚專女謁行而太  
 臣覆太子廢黜北雜晨假刑人方誅閭族前鑑不遠

梁氏疆冲帝早世不成育梁冀跋扈質帝忌椒毒無  
 奈李固哭桓之昏分如木偶固喬忠直歿曝梁冀  
 誅滅五侯勢以暴代暴車馬簇黨錮禍起正人竄虐  
 焰滔天不可撲靈亦不明群小用官中立市官爵鬻  
 黃巾作亂天下殆爰戰爰擊山又陸闡外雖遣兀牙  
 將內唯宦者為心腹何進不克袁紹奔董卓入京竊  
 太籙廢辨立協如反手山東河北兵馬蠢允布誅卓  
 催汜亂乘輿播遷尊躬鞠此時英雄各勃興就中虎  
 視其為孰東群勢健曹孟德能戰能攻如破竹許都

迎帝令四方虜布控術軍事熟袁紹強大不足屑劉  
 表父子纒碌碌玄德一戰當陽敗八十萬兵千里舳  
 臨江坐待孫氏降吳中山河亦在目不意赤壁東風  
 火艦焚人溺混魚肉玄德乘機取巴蜀仲謀保吳將  
 佐穆孟德老姦猶進軍孫劉拒守遂不服三分割據  
 鼎足勢海內人民沸如粥可憐四百年來業退居山  
 陽失天祿

辛亥仲冬二十二夕點通鑑終魏紀并賦蜀吳  
 凡三篇示拍即

孟德假義起一方善戰善攻謀亦良呂布爲擒袁術  
久紹敗官渡譚尚僵表沒琮降荊州舉玄德不克跌  
當陽中原入掌北狄服唯有備權保益揚名雖漢相  
實漢賊自謂我爲周文王丕繩其武奪大寶炎連餘  
燼遂失光成都幸有漢餘烈長江據險波濤颺鬪足  
相峙西南北闔國紛爭兵馬場不悟姦雄營家事忌  
嫌群弟各閱稽叡頗斷事專刑戮功役頓起煥棟梁  
遼東一戰雖大快自是姦雄勢太彊爽雖宗室非懿  
敵何晏誤世談老莊師昭相繼權威大舉世不知有

魏皇齊芳被廢高貴弒淮南三將不遂望誰知蜀吳  
寇却小養成賊臣大爲妨不見山陽讓位日孰與常  
道下帝床出乎爾者反乎爾天命昭昭可恐惶

右賦魏事

火德運衰姦雄爭并吞勢在曹孟德昭烈元是漢室  
曹起義欲勵再興力彼彊此弱不能敵諸葛孔明萬  
夫特草廬三顧天下計君臣水魚情相識關羽張飛  
熊虎將以爲爪牙爲羽翼孫氏連和赤壁捷中分荆  
州保境域劉璋闇弱取益都巴蜀割據新開國獻帝

鮮廢漢業存唯惜夷陵戰不克託孤爲誰諾葛公後  
主雖辱能輔竊先服南夷固本根大舉恢復討漢賊  
北軍唯要備西南西南風雲屢面北天道無賴長星  
墜乍使英雄淚痕拭蔣琬費禕董允輩在外在內勤  
其職姜維屢出無所爲糧運不繼民不息又有佞臣  
誤國事君主不明諫路塞鍾鄧大軍騫地入葛瞻戰  
歿寇既逼面縛降賊辱先主諶乎自殺石可勒四十  
年來保持勢皆是諸葛公餘式今讀通鑑有遺恨以  
魏繼漢非無惑不論強弱論正統朱子綱目健筆此

右賦蜀事

文臺討賊事不遂伯符勇爲平江東仲謀能守不失  
業養得許多輩英雄張昭盡力輔佐策周瑜快戰烏  
林功呂蒙大勝關羽歿劉備却爲陸遜窮波濤洶涌  
曹丕退孔明結交和親通交州屈服境域廣黃龍祥  
現帝運洪偏霸分立鼎足勢齡超七旬天年終何事  
家道不齊整長次男爭嗣子童恪雖強壯不量力漫  
舉太兵却喪躬亮廢舉立如反手峻嶺猛戾亦一夢  
輿布受託不能守以幼換暴奈昏蒙皓專刑戮自招

祖王濬樓船進隨風長江之險不能保金陵王氣漠  
然空此地猶有餘運在五馬渡江建鄴宮異姓相移  
六朝過寒煙月落草茫茫

右賦吳事

點通鑑西晉紀了賦二十五韻以示伯郎

一馬久養於魏氏有才有能又食入用於丕獻又立  
芳當亮勅淵功無倫勢成漸營自家事姦謀既與恭  
操均老馬僵今兩駒壯淮南三將不終身芳廢豈絀  
璜尸位鍾鄧進矣蜀先泯晉國既建將移鼎武帝受

禪遂卽真孫皓不守長江險金陵王氣迹既陳天下  
三分六十年至此一統耳目新復古能行三年喪不  
容群議感兆民此座可惜嗣子暗賈后招亂牝雞晨  
倫除姦穢尋奪位諸主戮倫互爭論問又穎顯相魚  
肉以暴易暴天下屯兵權暫屬東海越劉淵窺時簇  
胡塵北有拓跋南有李蒼生無處不沉淪石勒王彌  
相競起勒又殺彌用張寶惠中麴毒懷踐祚洛城衰  
廢荆棘榛涼州張軌并州琨欲發援兵道路堙劉聰  
代淵僭偽號逆裔並立后妃嬪驩勒亂入帝都潰猶

有閔帝纔保秦關賈索麴雖盡力再興功業不能詢  
長安難敵胡馬強可憐行酒擎蓋辰嗚呼維昔司馬  
氏飽受君恩臣不見今日司馬帝骨肉相屠親  
不親傳位四世得又失讀史阿誰眉不皺出子爾者  
反乎爾聖賢戒可書諸紳

古風七言四十韻示之

五馬渡江一化龍龍飛非馬實牛脊懷愍北狩中原  
亂恢復洪業先稱制凶問來告勸進頻定都建康是

元帝長江爲固欲中興無奈劉石強梁勢王氏將相  
顧賀佐導比管蕭敦似羿壯哉祖生著一鞭大志未  
遂身早逝可憐并州劉太尉所因不善果遭縊明帝  
剛斷誅王敦庾氏執政成帝繼主幼亮專蘇峻反石  
頭艱難殆傾世温嶠陶侃及郝鑑微此三臣賊何殪  
康穆推穆不奔及夷狄擾華相共替維胡維羯又鮮  
卑姚是羌種苻是氏張氏據涼李氏蜀大如虎狼小  
蚊蚋生憎桓温行廢立簡文入繼帝統繫君弱臣強  
將移鼎謝安坦之志一切嗚呼天未喪晉室豺狼當



道忽顛蹶孝武紹運僅保國大保輔護功不細存堅  
 大舉江東危百萬旌旗蔽天際石玄一戰淮淝捷斬  
 梁戮融如草薙氏主僅免歿於仇西北瓜分山川曠  
 垂起燕分萇據關乞伏禿髮競太彘呂光取涼擁姑  
 藏沮渠李暠亦分劑燕有北西又分南北又為馮跋  
 被刷一興一亡渾如夢彷彿蜉蝣耶檀噠赫連勃勃  
 忽蜂起國號曰夏稱禹裔就中拓跋氏最強改代為  
 魏兵氣銳彼此僭國成盛衰變典午山河悉排擠安帝  
 在位當此間口不能言性不慧道子當國唯淫酒元

顯錄事逾狼戾王恭揚兵國寶誅仲堪佺期禍根綿  
 桓玄虐焰勢滔天建康破膽不能衛會稽父子伏大  
 刑寶祚遷楚人垂涕寄奴姦雄出布衣釋耒提戈一  
 睥睨所向無敵瓦土崩賊魁授首餘黨斃孫恩盧循  
 逃入海伐燕滅秦無所滯以暴代暴鑑不遠誰識心  
 中非常計弒安立恭如反手朝露不乾秋蟬蛻公爵  
 王號加九錫竊比兩漢莽操例老奴漫成衰暮嘆受  
 禪朝使忽然詣自元至恭十一主曆數一百有三歲  
 癸丑孟秋點了通鑑宋紀述其大槩作三十韻

示伯郎

寄奴矯矯龍勃起昔是擔鋪今執鋌晉祚如綫賊臣  
 奪義兵一舉誅桓玄乘輿還都暫依霍水戰頻克孫  
 盧顛南征北伐如破竹超泓國亡首級傳功成勢盛  
 姦謀遂宋國初建晉鼎遷天下兩分限南北江左雲  
 揚龍飛天卯金禮樂雖施化唯隔陶家菊籬遠義符  
 廢而義真歿生憎徐傳竊國權縱然雖有推奉力羨  
 之亮晦身何全文帝嗣業元嘉政少康日久三十年  
 胡馬飲江萬里騁佛狸到處勢氣趨何事漫殺檀道

濟憫笑長城自棄捐靈運蔚宗文才秀其人有罪存  
 遺編不知家有豺狼子大變俄至殘燭前孝武義戰  
 討元惡劭濬伏罪鎮虐煙義恭為相沉為將顏柳執  
 政歲月延呵祖罵父事奢侈中冓醜聲亦不後嗣子  
 不良荒淫穢殺戮將相暴惡專叔父雖以循驢稱牛  
 女未遇望眼穿獨夫殞而明帝立不親其親枝不連  
 各國瓜分壞亂極小如蜂蟻大如鳥幸依天未絕宋  
 世鳥雀得被攫雁鳥鷓蒼梧惡似前廢主李氏非劉誤  
 本緣盤遊無度蒼生苦變生肘腋驚被服道成脫難

立新主蕭哀劉褚四貴駢袁劉忠死褚苟免石頭城  
 畔淚潜然攸之攻郢兵空敗道成威力轉坤乾却恨  
 生為天子貴寶位忽心向齊國禪宋奪晉與齊奪宋六  
 十年間一夢圓前鑑不遠蓋自反噬臍祇悔誰之愆  
 癸丑十月廿二日加點通鑑罪蕭齊紀作古詩  
 二十韻以示伯庸

劉宋衰連蕭齊起亂世姦雄有道成明帝憑几託後  
 事桂陽舉兵一戰平廢昱立準如反手一貴權重三  
 貴輕郢城堅守攸之潰袁粲歿節褚淵生俄然移鼎

奪寶祿儉約行政自家營黃金如土果然不建元未  
 幾一夢驚武帝繩武王儉相聊制禮樂國暫榮不意  
 震宮早壞了竟陵空負文學名傍有蕭鸞鳥張羽翼太  
 孫二世相繼傾狼心恣恩庶滅嫡高武子孫不哀榮  
 朝為佐命夕殺戮得福早見禍根萌生憎誣天香一  
 炷天知人知奸惡情縱然幸免全首領寶卷暴虐桀  
 紂弁步步生花潘妃色義兵未起先傾城出則遊獵  
 惱百姓入而荒婦聽醜聲顯達慧景時機惑懿雖先  
 歿行後瞠雍州旗揚風雲合西臺爰建假主盟所向

無敵如破竹一睡未熟人刎頸和帝虛位未東向建  
 康既有鳳駕擎道成弒逆鸞積惡僅羸全輸一局枰  
 甲寅五月下旬點通鑑畢梁紀賦三十韻示伯  
 郎

西雍軍起東昏亡以蕭易蕭齊作梁王茂景宗及韋  
 叡戰勝攻取將帥良范雲徐勉又周舍執政得人基  
 跡昌武帝才藝超前代太子諸王競文章北虜漸亂  
 南朝靜天監十八歲月長底事勿心惑西域教新建同  
 泰太佛場袞冕混雜必芻芻裏萬錢贖得歸王床漫稱

慈悲意柔弱犧牲不可殺牛羊宗廟素食不血食古  
 來舊政悉皆忘可憐宸宮不宝器唯有文選遺墨芳  
 蠟鶴嫌疑遂不解捨孫立子有餘殃隱侯果難得善  
 謚宋書百卷猶盈箱掛冠擁被為誰某松風自是入  
 山堂普通大通大同際一夢過了吹黃梁舊相宿將  
 今何在生憎朱异虐勢張蒼荒不悟侯景詐受降自  
 喜斧北方豈許承突前無敵長江斷流一鞭揚臺城  
 圍重土山築援軍到遲戍士惶正德與棟立又廢老  
 帝讓位簡文皇既聞荷荷侔餓隸又見孰醉壓土囊

江陵有子唱義舉席卷荆郢勢氣強父兄急難不早  
救却驚叔姪骨肉僵僧辨前驅如破竹霸先合軍龍  
虎驤侯賊膽寒分身首兩將雪耻復舊疆元帝自若  
行裝緩自誇江陵是金湯西魏大軍鼓浪至老子經  
講談未央國亡城陷身殺戮文武道盡火緇黃不意  
僧辨逼高氏迎得僞主入建康霸先不領俄襲擊石  
頭城下王喪元敬帝纔繼須臾失梁亡陳興仰彼蒼  
北魏僭號當東晉之季其亾與梁同時故梁詩  
之次併作北魏詩五十韻叙其少槩以示猶郎

拓跋氏出自黃帝或稱漢將李陵後地有北邊號索  
頭歷代屢爲中原寇晉惠世擾緣官起荷色荷盧三  
部守倚盧勤王封代王劉石相爭互踐蹂子殺父分  
弟殺兄骨肉相屠同禽獸苻堅強盛乘其弊國弱地  
分遠逃走珪復故地勢漸大腥風到處皆斃踏取燕  
改代始號魏建都平城窺宇宙蠶食中原廣境域身  
稱皇帝妻稱后可笑謀人不謀身變起蕭牆不得壽  
明元不失道武威太武承繼益疆富赫連赤族沮渠  
滅中國大半入其袖北追蠕蠕窮兵勢南臨長江萬

馬扣崔浩多才兼將相自比子房為左右沙汰僧徒  
 崇道士浩亦誅歿不免莫高允正直無比倫縱然自  
 省亦何疚無奈一夜宗受刃弒逆天討豈可宥文成  
 實是大武孫入繼國統復其舊獻文承祚制於母媼  
 穢不可讀中冓何故倉卒讓大位太上皇號漫自授  
 驚殺母氏進鳩毒深秘不言事既漏孫知祖母不知  
 父三年行喪四體瘦孫其為誰孝文帝德業威量得  
 天佑獨斷定都遷洛陽內外百官悉輻湊移風易俗  
 夷變華始稱元氏傳胤曹守成可追漢文景中恰恰

似南陽秀風雲漸張圖南勢既根猶不忘北狩只恨  
 嗣子變故土又惜醜聲在匹偶可痛天不假之年輻  
 輳久在行宮宿宣武繩武有不足懿親稍見歿地就  
 明帝不良胡后專元又劉騰翔猛鷲騰歿又廢后再  
 臨弒帝立女又抱幼后有姦才熇風煽指揮群僚如  
 六畜瞠若秀容爾朱榮太軍競進不留遺后沉河水  
 俊倖戮爾朱羽翼闔國覆尊孝莊握釣柄帝座手  
 又天柱仆族黨勃起侵帝闕永安跼踖鼠畏鼯高歡  
 建義爾朱殲三主易位如弄祿孝武定位依歡力嫌

疑忽生不相副，主弱臣強不相敵。關右幸有宇文救，不審宇文有黑心。別立文帝，限封堠，歡亦翊戴。孝靜帝魏分東西，頰戰鬪西居，長安東居，鄴兩都相隔宮。城構高歡，宇文真兩雄虎視眈眈，鯨鯢吼，二家跋扈。貽姦謀，紫微垣高果穿箭，西歷三世東，一世降床遷。偶不再購，建國以來幾春秋，百七十年夜又晝彼此，得喪亦一時。覽史尋迹，兩眉皺，北虜久據中原地，若有君子居何陋。偶有英主，皆霸術，知否罪魁與功首。我烏峰先生林學士詩集卷第一百七

終

我烏峰先生林學士詩集卷第一百十八

東明集三十三

涑水一勺下

頃間點通鑑終，陳紀而高齊。宇文周之興亡，自係於其間。作古詩三篇，併示伯庸。

北齊詩

鮮卑餘種，賀六渾乘運。用兵風雲起始，屬爾朱平魏。亂終滅爾朱，權在已廢。主立主如反手，勢如龍奮眼。虎視洛陽遷都，鄴都建。董阜曹操志一揆，南征欲擒。

我烏峰詩集

卷第一百十八

蕭老翁無奈兵年西有宇文氏西東屢戰互勝負柳怒不  
渡長江水邱山一捷宇文走玉壁城堅神武弛黑不  
全輸白未贏中原與一局棋似澄亦勇猛不克終洋  
繼篡弒絕魏祀國號稱齊改天保太軍西望歡不  
暴超桀紂耽酒色屠戮群弟怒憐子演弒殷身亦不  
久百年虛名不移甚湛僅得志誇河清讓位自尊極  
奢侈後主尸位嬖倖專隣敵唯憚斛律爾士開令宣  
穆提婆惑君蠹國家運否不悟諛言爲兵間明月落  
地長安喜周武義戰鞞鼓轟彼如鷹隼此兎雉晉陽

不守鄴城破生擒長成祖先耻戲乎五主二十八年  
不見一善可錄紀詈笑高歡自家營積惡餘殃監於  
是

北周詩

聞說遼東宇文部滅於慕容餘族存世變時移散諸  
國黑獺勃然興家門早討侯景報帥寇守關對悻賀  
六渾保護魏帝稱西魏兵馬東向爭中原寶泰授首  
敖曹戮沙苑旌武柳遺痕角立髮成根本固并吞江  
陵嘗稱藩登用蘇綽議國政委任孝寬消敵竟遠慕



周公六官職自爲冢宰威儼尊六軍建置全武備紙  
筆堆門求嘉言太志未成身先逝顧託姪護屬子孫  
護遷魏祚創周室弒覺毒毓且又昏武帝誅護人改  
觀親親撫民施惠恩沙汰僧道甚怏怏皇風浩然問  
儒源征討無道北齊滅天若假年統乾坤漢魏以來  
歷朝際此帝度量垂後昆可悲嗣主潘逆恣忌叔殺  
傳如屠豚四后並立穢惡聞禪位幼子號天元極愆  
伐性身不壽附託失入國家繼文帝武帝龍鳳質宜  
帝却是不如猿外舅奪祚幼主辱僅見祭祀供蘋蘩

陳詩

霸先起矣艱難掌交廣戰勝腥塵拭臺城危急早入  
援僧辨分勢共合方侯景伏誅雪君耻僧辨有貳父  
于仆江陵不守元帝沒尊立敬帝暫存國威重勢大  
遂移祚蕭家山川入陳域王琳不服奉梁孽疆敵二  
寇專橫北底事捨身莊嚴寺同泰爲識猶不識一子  
在北猶未歸大位暫使姪藉即不審老將中路迎嫡  
嗣溺水舟及覆姪遂得位無爭者王琳亦敗陳軍剋  
自知其子不如弟獨斷不決天性感劉到不能全首

長安詩集

卷之八

三

領<sub>レ</sub>姪<sub>ヲ</sub>被<sub>レ</sub>廢<sub>シ</sub>失<sub>レ</sub>叔<sub>ヲ</sub>遂<sub>ニ</sub>得<sub>ル</sub>宜<sub>シ</sub>帝<sub>ノ</sub>不<sub>レ</sub>困<sub>ニ</sub>北<sub>ノ</sub>寇<sub>ヲ</sub>志<sub>ヲ</sub>出<sub>シ</sub>將<sub>ヲ</sub>遣<sub>テ</sub>軍<sub>ヲ</sub>無<sub>シ</sub>  
止<sub>レ</sub>息<sub>ヲ</sub>喪<sub>ヲ</sub>將<sub>ヲ</sub>失<sub>レ</sub>地<sub>ヲ</sub>封<sub>シ</sub>疆<sub>ヲ</sub>縮<sub>シ</sub>傳<sub>テ</sub>到<sub>テ</sub>叔<sub>ヲ</sub>寶<sub>ヲ</sub>耽<sub>シ</sub>酒<sub>ヲ</sub>色<sub>ヲ</sub>臨<sub>シ</sub>春<sub>ヲ</sub>結<sub>シ</sub>綺<sub>ヲ</sub>  
望<sub>シ</sub>仙<sub>ノ</sub>閣<sub>ヲ</sub>長<sub>シ</sub>夜<sub>ヲ</sub>不<sub>レ</sub>曙<sub>シ</sub>荒<sub>シ</sub>淫<sub>シ</sub>極<sub>ニ</sub>狎<sub>シ</sub>客<sub>ヲ</sub>弄<sub>シ</sub>筆<sub>ヲ</sub>漫<sub>シ</sub>艷<sub>シ</sub>麗<sub>シ</sub>國<sub>ヲ</sub>相<sub>シ</sub>雷<sub>ヲ</sub>  
同<sub>シ</sub>真<sub>ノ</sub>國<sub>ヲ</sub>賊<sub>ヲ</sub>樓<sub>ヲ</sub>頭<sub>ヲ</sub>猶<sub>シ</sub>愛<sub>シ</sub>張<sub>シ</sub>麗<sub>シ</sub>華<sub>ヲ</sub>不<sub>レ</sub>知<sub>シ</sub>階<sub>ノ</sub>軍<sub>ヲ</sub>到<sub>テ</sub>門<sub>ヲ</sub>闕<sub>ヲ</sub>萬<sub>ノ</sub>里<sub>ヲ</sub>  
長<sub>シ</sub>江<sub>ヲ</sub>不<sub>レ</sub>足<sub>シ</sub>待<sub>シ</sub>王<sub>ノ</sub>樹<sub>ヲ</sub>庭<sub>ヲ</sub>花<sub>ヲ</sub>變<sub>シ</sub>荊<sub>ノ</sub>棘<sub>ヲ</sub>國<sub>ヲ</sub>破<sub>シ</sub>就<sub>シ</sub>縛<sub>シ</sub>入<sub>シ</sub>長<sub>ノ</sub>安<sub>ノ</sub>可<sub>シ</sub>  
笑<sub>シ</sub>不<sub>レ</sub>能<sub>シ</sub>成<sub>シ</sub>社<sub>ヲ</sub>稷<sub>ヲ</sub>金<sub>ノ</sub>陵<sub>ヲ</sub>王<sub>ノ</sub>氣<sub>ヲ</sub>六<sub>ノ</sub>朝<sub>ヲ</sub>變<sub>シ</sub>不<sub>レ</sub>在<sub>シ</sub>地<sub>ヲ</sub>峻<sub>ヲ</sub>唯<sub>シ</sub>在<sub>シ</sub>德<sub>ヲ</sub>  
甲<sub>ノ</sub>寅<sub>ノ</sub>十<sub>ノ</sub>月<sub>ノ</sub>十<sub>ノ</sub>五<sub>ノ</sub>日<sub>ノ</sub>黜<sub>シ</sub>通<sub>シ</sub>鑑<sub>ヲ</sub>畢<sub>シ</sub>陪<sub>シ</sub>紀<sub>ヲ</sub>隨<sub>シ</sub>列<sub>シ</sub>賦<sub>ヲ</sub>三<sub>ノ</sub>十<sub>ノ</sub>  
韻<sub>ヲ</sub>以<sub>テ</sub>示<sub>シ</sub>伯<sub>ノ</sub>即<sub>シ</sub>  
揚<sub>シ</sub>忠<sub>ヲ</sub>有<sub>テ</sub>功<sub>ヲ</sub>傳<sub>テ</sub>階<sub>ヲ</sub>文<sub>ヲ</sub>騎<sub>ヲ</sub>獸<sub>ヲ</sub>之<sub>ヲ</sub>勢<sub>ヲ</sub>後<sub>ヲ</sub>周<sub>ノ</sub>祚<sub>ヲ</sub>日<sub>ヲ</sub>長<sub>シ</sub>聽<sub>シ</sub>訟<sub>ヲ</sub>不<sub>レ</sub>弛<sub>シ</sub>

勞<sub>シ</sub>高<sub>ノ</sub>蘇<sub>ノ</sub>頽<sub>ヲ</sub>政<sub>ヲ</sub>各<sub>ニ</sub>就<sub>ル</sub>務<sub>ヲ</sub>擇<sub>シ</sub>將<sub>ヲ</sub>得<sub>ル</sub>入<sub>シ</sub>賀<sub>シ</sub>若<sub>シ</sub>韓<sub>ノ</sub>樓<sub>ノ</sub>船<sub>ヲ</sub>百<sub>ノ</sub>萬<sub>ノ</sub>浮<sub>シ</sub>  
江<sub>ノ</sub>渡<sub>シ</sub>所<sub>ヲ</sub>向<sub>シ</sub>無<sub>シ</sub>敵<sub>ヲ</sub>都<sub>ノ</sub>門<sub>ヲ</sub>外<sub>ノ</sub>叔<sub>ノ</sub>寶<sub>ヲ</sub>匿<sub>シ</sub>井<sub>ヲ</sub>爲<sub>シ</sub>生<sub>ヲ</sub>捕<sub>シ</sub>南<sub>ノ</sub>北<sub>ノ</sub>合<sub>シ</sub>并<sub>シ</sub>  
四<sub>ノ</sub>海<sub>ノ</sub>一<sub>ノ</sub>威<sub>ヲ</sub>風<sub>ヲ</sub>卷<sub>シ</sub>沙<sub>ヲ</sub>北<sub>ノ</sub>狄<sub>ノ</sub>懼<sub>シ</sub>可<sub>シ</sub>惜<sub>シ</sub>王<sub>ノ</sub>通<sub>シ</sub>太<sub>ノ</sub>平<sub>ノ</sub>策<sub>ヲ</sub>棄<sub>シ</sub>而<sub>シ</sub>無<sub>シ</sub>  
用<sub>シ</sub>奈<sub>シ</sub>不<sub>レ</sub>遇<sub>シ</sub>外<sub>ノ</sub>有<sub>シ</sub>揚<sub>ノ</sub>素<sub>ヲ</sub>進<sub>シ</sub>姦<sub>ノ</sub>謀<sub>ヲ</sub>內<sub>ノ</sub>見<sub>シ</sub>獨<sub>ノ</sub>孤<sub>ヲ</sub>專<sub>シ</sub>嫉<sub>シ</sub>妬<sub>シ</sub>廢<sub>シ</sub>勇<sub>ヲ</sub>  
立<sub>シ</sub>廣<sub>ノ</sub>如<sub>シ</sub>反<sub>シ</sub>手<sub>ヲ</sub>廣<sub>ノ</sub>是<sub>シ</sub>畜<sub>シ</sub>生<sub>ヲ</sub>猶<sub>シ</sub>未<sub>シ</sub>悟<sub>シ</sub>仁<sub>ノ</sub>壽<sub>ノ</sub>殿<sub>ヲ</sub>中<sub>ノ</sub>大<sub>ノ</sub>變<sub>ヲ</sub>起<sub>シ</sub>一<sub>ノ</sub>  
豎<sub>シ</sub>執<sub>シ</sub>刃<sub>ヲ</sub>俄<sub>シ</sub>物<sub>ヲ</sub>故<sub>ヲ</sub>畜<sub>シ</sub>生<sub>ヲ</sub>得<sub>ル</sub>志<sub>ヲ</sub>勇<sub>ヲ</sub>遭<sub>シ</sub>害<sub>ヲ</sub>同<sub>シ</sub>心<sub>ヲ</sub>密<sub>シ</sub>結<sub>シ</sub>陳<sub>シ</sub>婦<sub>ヲ</sub>汗<sub>ヲ</sub>  
無<sub>シ</sub>知<sub>シ</sub>天<sub>ノ</sub>譴<sub>ヲ</sub>不<sub>レ</sub>可<sub>シ</sub>逃<sub>シ</sub>獨<sub>ノ</sub>夫<sub>ヲ</sub>逆<sub>シ</sub>焰<sub>ヲ</sub>益<sub>シ</sub>驕<sub>シ</sub>固<sub>シ</sub>再<sub>シ</sub>度<sub>シ</sub>遠<sub>シ</sub>有<sub>シ</sub>事<sub>ヲ</sub>高<sub>ノ</sub>  
麗<sub>ノ</sub>涿<sub>ノ</sub>郡<sub>ヲ</sub>建<sub>シ</sub>牙<sub>ヲ</sub>遼<sub>ノ</sub>東<sub>ノ</sub>戍<sub>ヲ</sub>連<sub>シ</sub>戰<sub>シ</sub>不<sub>レ</sub>克<sub>シ</sub>黷<sub>シ</sub>威<sub>ヲ</sub>武<sub>ノ</sub>郡<sub>ヲ</sub>營<sub>ヲ</sub>前<sub>ノ</sub>鋒<sub>ヲ</sub>狼<sub>ノ</sub>  
狽<sub>ノ</sub>仆<sub>シ</sub>時<sub>ヲ</sub>有<sub>シ</sub>玄<sub>ノ</sub>感<sub>ヲ</sub>內<sub>ノ</sub>亂<sub>ヲ</sub>告<sub>シ</sub>回<sub>シ</sub>鞍<sub>ヲ</sub>道<sub>ヲ</sub>被<sub>シ</sub>突<sub>シ</sub>厥<sub>ヲ</sub>苦<sub>シ</sub>處<sub>ヲ</sub>處<sub>ヲ</sub>盜<sub>シ</sub>賊<sub>ヲ</sub>

如蜂蟻國郡瓜分內自蠹彼稱皇帝此稱王攻城據  
邑穿府庫長安不歸江都幸萬斛螢火照昏暮黃龍  
舟中宴遊闌外邊騷動不顧豈圖晉陽舉太兵勞  
如破竹向西驚恭帝龔衣位權在唐上皇尊號遙寄附  
東都僅有越王留李密世克相覬覦國運如縷根本  
傾名爲至尊似旅寓心雖戰栗口誇說猶謂江都堪  
衛護可憐諫者却忤旨不知屢被佞人誤唐王卽位  
恭帝遜長安遠矣隔塵霧東都亦被世克掠鸚鵡相  
持犬逐兔斫頸一語果爲讖叛臣入門聞凶訃化及

得寵今爲賊噬臍昔日奪周孺隋氏興亡由宇文自  
取自失依誰愬握中山河無寸土唯見長堤柳千樹  
頃年點通鑑每終一代作長篇以示伯卽自今  
春點唐紀頃間至玄宗之始待終唐代則可及  
來年故先叙高祖至睿宗之少槩爲一篇賦焉  
凡五十韻  
隋氏積惡有餘殃運傾未覺國將亡州郡瓜分盜賊  
起中有英主在晉陽勸父唱義時不失十八龍飛雲  
旗揚先斬高某懲佞者次破老生顯威望群城不守

如無敵長安入手根本疆父登帝位國號唐十年征  
伐奔命忙李密早降武周走薛舉敗而仁果僵戮竇  
擒充東都捷一戰鏖殺虎與狼李軌朱粲豚犬耳士  
弘子通不能抗法興開道輔公祐碌碌之輩何足當  
蕭銑就囚梁胤殲黑閭纔熾倖燿光突厥腥風遂伴  
易畏威服勢不能張大功成被兄弟嫉讒言內行惑  
妃嬪太白經天木變象無奈骨肉鬪於牆建成元吉  
駢首仆玄武門外血玄黃時勢縱是不得已君子評  
論語而詳彼此皆子奈父意天性恩愛堪哀傷武德

讓位貞觀政貞觀太平不尋常草創守成兼文武將  
有靖勩相杜房王珪魏徵諫言行濟濟多士天下匡  
又有長孫后內助可惜椒殿樂未央海不揚波四夷  
化治世安民嘉名彰三代以來帝業盛漢文孰與此  
文皇何事遼東遠征伐無功贖武艱難嘗曹子不軌  
次子愛兩立不存共推盪第九昏童繼太位輔相無  
忌及遂良永徽暫餘貞觀美難抑聚麀作色荒人言  
英公是老賊妄語一出禍根長生憎武氏獨專寵果  
令輔相竄殊方殺子殺妃又殺后並稱二聖却是狂

立儲廢儲如反手婦居尊位穢乾綱先賢猶戒女媧  
 氏爭禁虐焰勢彊梁酷吏登庸羅織苦小罪連坐爛  
 肺腸房陵幽廢誰切齒壯哉敬業及越王時運不至  
 無遂事韋唐為周恨彼蒼懷義漫靡浮雲富蓮花似  
 五卽六卽幸然天未滅唐祚狄公含忠深自藏母子  
 天性得復本三思亦不能為妨束之及桓袁崔敬再  
 興正位退老孃中宗柔弱惑韋后又使北鷄鳴晨暘  
 五王有功早被罪武韋兩家勢頡頏遊戲萬端晝亦  
 夜上元微幸燈煌煌前鑑不遠盍炳戒中冓醜聲安

樂娘君主不悟眼花暗御膳俄被麪毒戕欲抱孺子  
 竊大物宗紀女姦謀鴟鴞翔龍潛王子不能忍萬騎一  
 舉虎驅羊韋后安樂失首領李氏得心韋黨喪景雲  
 政雖慕貞觀猶有太平長舌倡兄讓弟立太平外且  
 喜開元皇風昌諸君前件一治亂阿誰著眼可慨慷  
 加點通鑑唐紀叙自玄宗至順宗小槩作三十  
 韻示伯卽

開元初政移貞觀風靜十道幾山川與服器玩禁奢  
 靡錦綉珠玉焚殿前姚宋良相此房杜張韓執政繼

許燕鷁原友愛輝花萼同樓大衾相共憐學士如雲  
儒風盛孔聖追主謚文宣武成廟建配十哲疆推李  
耳稱祖先力士登庸可痛恨宦官從此握兵權口蜜  
腹劔李林甫引類結黨退群賢惠妃嬖幸三子歿太  
真入宮恩寵專號秦韓國競娥奔國忠當國誰並肩  
漁陽鼙鼓驚夢破翠華蒙塵向蜀遷國忠姊妹首貫  
刃馬嵬坡下棄王鈿忠臣義士多歿節賊庭北面官  
僚孱肅宗無讓取大寶子儀光弼戰功全招引回紇  
掠玉帛兩京恢復亦幸然安史天誅雖賊害河北落

鎮柄授傳生憎輔國虐焰起上皇憂苦空登仙代宗  
亦被內官制吐蕃窺都殆倒顛汾陽再勵勤主力守  
宙依舊得安眠朝恩觀軍元載驕雀兒捕蝗螿捕蟬  
偶得揚縮奈短析李必進退倏忽焉德宗踐祚祐甫  
輔舉世仰望濁塵前外有四王懷光叛內逼朱泚困  
奉天陸贄諫言却放貶盧杞延齡姦謀連李晟渾瑊  
又馬燧勢如鷹揚毆烏鳶維斯三將亞李郭君王再  
乘九五乾疆藩暫靜不心服韋臯獨鎮西南邊財聚  
瓊林大盈庫兆民積怨國不堅順宗嬰病任文恣毗

結蠅營互張拳善哉萬機委太子時勢改觀元和年

延寶乙卯臘十七日

丙辰孟夏點通鑑唐紀叙自憲宗至武宗五朝

少繫賦二十韻示伯郎

憲宗初政任文誅殘黨遠貶新耳目劉闢授首蜀土  
平李錡犯上就太戮黃裳元衡諸李裴朝廷得入委  
心腹田興奉貢抽寸丹累世諸鎮將歸服淮西平盧  
臂猶張王師遠征勢破竹相有度分將有勳元濟被  
擒師道覆何事鳳翔迎佛骨韓愈極諫却追逐奇藥

求壽更無益不悟肘腋有蛇虺長慶天子祿不長河  
北一失難再復敬宗不用丹宸箴打毬滛酒壽域縮  
文宗立依宦者力劉蕡直言可熟讀申錫睿詔身先  
成訓注罹禍悉夷族生憎守澄士良專無奈牛李黨  
相讎彼入此出易榮辱南北分司互倚伏時維東都  
有晉公君主不問空抱獨武宗擢用李德祐傍若無  
入身當軸劉稹拒命雖柄授官軍決斷成功速會昌  
沙汰一快事壞寺廢佛僧尼感盍信仙術仰儒風君  
臣果是不終祿誰知香山白樂天養老不被世塵瀆

丙辰八月下旬點通鑑終唐紀叙宣宗以下五  
朝大略作三十韻繼前篇以示伯卿  
宣宗以叔代姪位先黜德裕初政新一宰去而一宰  
入南北分司互屈伸令狐審奏亦漏泄相惡相爭水  
火均僧道禁破不沙汰又飲奇藥欲養神誰言大中  
似貞觀小太宗名未必真懿宗在位淫聲色奉佛怠  
政殆捨身求福無益却生禍堪驚忽爲上夫賓僖宗  
踐祚國饑旱時無仁政救難屯外有仙芝蜂蟻起內  
見令孜最頑嚚幸然仙芝授首了黃巢滔天克四隣

高駢都統虛名耳潼關不守賊向秦盧攜仰藥令孜  
拙帝指西蜀遙蒙塵諸鎮義軍勤王事僞齊僭號不  
終晨龍馭還京雖復位國郡瓜分戰攻頻兩虎相挑  
蠻觸鬪鵠蚌爭持盧逐姚就中朱温最強大沙陀敵  
對獨眼瞋茂貞據岐建據蜀楊錢吳越王氏閩昭宗  
有志力不足尸位被制於姦臣宮中事在宦者手歲  
貢不肯入紫宸生憎崔胤結疆鎮悉誅宦者禍根泯  
禍根不泯賊勢盛冠履易地戮綱倫某城某野毒龍  
戰螢燭不燼鬼火燐清流士投濁流底阿誰愁淚不



泣巾司空圖隱王官谷韓偓憂國空吟呻朱温心不  
 奪不厭血汚御衣濺錦茵識得時連來猶未陽驚慟  
 哭泣於旻暫奉公主塞人口元帥建府營官闈唐朝  
 遺臣如糞土傳壘矣指汴梁臻無奈諸藩倚角勢紛  
 亂不止共苦辛悲哉三百年天下竊者元是碭山民  
 頃聞點通鑑五代紀終朱梁二主依例摘小槩  
 作二十韻示拍即

唐運將傾內外亂時有一盜起於碭以温爲名朱爲  
 姓微乎一夫揮劍鏖從巢作賊犯禁闕俄然翻志偽

勤王天子復位巢誅戮官恩厚加鎮汴梁宗權授首  
 群黨散崔胤倚賴宦者亡茂貞韓建不能敵沙陀爭  
 勢亦難當胤亦自盡帝室弱專營自家遷都忙全忠  
 不忠遂姦逆梟獍勃興爲虎狼身衣衾竊寶位輔  
 佐爲誰振與翔中原土地入掌握蜀有王建吳有楊  
 嶺南劉氏楚國馬審知據閩錢領杭不意太原李亞  
 子用兵如神忽鷹揚老賊猶勵出軍志疾侵肌膚心  
 恐惶天譴欲免果何免積惡本是有餘殃外患日盛  
 內難起賊子執刃透肺腸友貞幸懲友珪惡以暴代

暴閱蕭牆趙巖新用舊臣退身在深宮  
 浩樂張晉王百戰龍虎勢河北橫行郡  
 雄僵梁將屢代皆敗走忠勇唯見王  
 鐵槍王唯二世年十七沛官為墟草  
 茫茫丙辰孟冬九日

丙辰臘未點通鑑畢後唐紀叙其小槩作古詩

二十二韻依例示拍即

沙陀遺種朱邪氏仕唐平賊勢強梁賜姓賜名勲績  
 顯昔喚赤心今國昌克用勇武超其父獨眼龍起勢  
 氣張河東旗進辟寇懼朱温唯憚一晉王太物遂被

老賊奪鬱屈老衰保封疆亞子繼志猛於虎趙魏稱  
 臣幽燕僵百戰無敵如破竹長驅入汴朱梁亡君父  
 世讎一時復自稱中興號後唐皆謂英主立洪業僭  
 偽群雄仰餘光何事伶官專國柄添得劉后逆焰揚  
 至尊舞庭李天下不知傍觀為狡狂崇韜平蜀身亦  
 死姦謀殊出自閨房變起於外內亂應乘輿無歸羅  
 災殃繼炭迷途諸子散嗣源登祚誰敢妨自謂胡種  
 不當任禱天待人一辨香此善於彼五代際幸被時  
 論稱小康重誨專權遂罷黜其將其相皆不良秦王

驕奢不主器閔帝元是癡兒即朱馮掌握朝廷政驚  
破鼙鼓鳴鳳翔屏王蒙塵從珂入須臾榮辱一炊梁  
強藩猶有舊同列外屈內嫉不相忘太原借得胡馬  
力腥風滿面都城荒

丁巳仲春九日點通鑑終石晉紀作十八韻示

伯即

石即以武仕嗣源君臣相合好結婚不意從珂俄爲  
帝一封詔書奪大原即心憤怒力不敵時有謀臣發  
一言臣服契丹假兵馬彼稱君父此臣孫北軍風腥

三十萬長驅戰勝從珂奔即雖得志屈夷狄十有六  
州漫謝恩獸心不飽歲聘重名主中國猶鎮藩彼誇  
強大汝爾此尊者却卑卑却尊者幸有維翰與知遠將  
相扶持帝號存何事纔貪一時利不耻遺笑於後昆  
顧託之人得馮道廢子立姪忽覆翻嗣姪頗耻服耶  
律延廣智拙類犬豚大言妄出強敵怒南北爭鬪士  
喪元骨曝沙礫積累累血染河水流渾渾生憎杜威  
統軍帥不挑一戰建降幡無賴先驅張彥澤歐除帝  
都如鼠猿契丹皇帝鷹揚勢晉主就擒跪牙門夏不

變夷夷變夏長使讀者潸淚痕

丁巳三月上旬點通鑑五代漢紀作古詩十五韻以示伯郎

漢高餘裔劉知遠初佐晉祖建奇謀出鎮河東兵馬富坐視胡騎馳中州晉主就擒胡歸北風雲乘運垂冕旒諸藩服從杜威敗胡人出入互為讎彼此輸贏未可識龍駕早升白雲遊幸有將相輔少主三叛跋扈共授頭宰相治內將鎮外權勢日強王威柔群相媚疾遂交惡一將在外森戟矛近侍不悟大小勢恰

如犬羊敵貔貅君王亦張螳螂臂楊史誅戮有罪不  
不意鄴都猛虎起旌旗南向吏卒咻官軍辟易兵刃  
挫或奔或死或為囚渠言唯除君側惡君暫上樓又  
下樓狼狽民家不免死郭威監國漢作周二三四年  
短於夢朝榮暮辱感蟬蛸

丁巳三月二十七日點通鑑終五代周紀自庚戌  
之春至此凡八年全部二百九十四卷倭字旁訓  
悉畢作古詩三篇以示伯庸  
其一叙周事十六韻

郭威亦是一世豪起自微賤積功勞劉氏二世總兵  
柄見機乘運著黃袍廢贊抑崇諸鎮服彥超張彥  
早捷九經刻板長傳世孔廟拜趨擬薦牢無可同姓  
繼洪業柴榮受禪最俊髦劉崇諒爲尋常底倉卒出  
兵大敗逃江南跋扈窺中國親征無敵百戰屢奉使  
稱臣獻淮北仁瞻善守加贈褒敗將伏罪良將用李  
穀王朴抽群曹馮道歷仕五朝老隨時守位徒雜嘈  
賞罰明揚文武備憂世不漫凡民膏憶昔貞觀太平  
後未見武功如此高皆謂混一勢旣顯戈可偃兮

可憂志氣雖壯不假壽雲鶴無聲泣九臯幼主縱有  
宰相輔無奈屬猪化鳳翔馬公治鑑止於此三百終  
卷點點毫

其二叙五代十國小槩凡四十二韻

李唐失鹿天下逐戰鼓雷動山川縮楊行密據淮南  
地建國稱吳兵衛蠱欲誅朱溫復唐祚勢力不遂抱  
怩怩傳渥至隆演及溥四世僭號著衮服不悟徐溫  
營自家知誥姦謀久當軸黜溥改國稱唐裔李昇姓  
名記譜族景繼江南李氏號覬覦中原傳子煜王建

據蜀在唐末西南一方居黃屋朱梁爲敵雖恃險存  
勛一舉衍誅戮孟知祥新尹成都身得強藩猶州牧  
中國多事自專橫稱帝全領蜀山谷有子曰昶受父  
地晉漢周際幾涼燠南漢劉隱王嶺南此亦自當唐  
世叔夔受玠傳忽逢禍戾自之而謂得福銀任孽倖  
國疆亂暴惡皆患民側目馬殷亦逢唐衰運掠取湖  
南被推轂號楚稱王未爲帝世貢中國久臣伏希聲  
希範及希廣希萼昆弟不相睦酒囊飯袋極驕奢前  
後爭立屠骨肉山川果爲江南有邊劉王周變態速

錢鏐非營長武事讀書警眠枕圓木旣誅董昌早立  
功衣錦軍城當晝曝霜寒浙江十四州吳越戰艦千  
里舳中朝世加大元帥元瓘佐侖傳至叔王審知領  
七閩地招來蠻民頗愛育遺愛有跡其棠港延翰延  
鈞互蹈蹴繼鵬延義及延政鴟梟凶類翅相撲王氏  
赤族閩地亂留從效勢纒碌碌最爾南平高季興竊  
割荆地保世祿或叛中國或附屬從誨保融立不獨  
保勗繼冲五世移因循無譽亦無譏劉崇乃是知遠  
弟深恨郭氏覆漢餽大原建國號北漢與周攻戰屢

敗衄含憤成疾可憐生承鈞傳地保員幅繼元嗜殺  
妄尊犬井中蛙居盍迫蹙嗚呼五十年騷亂黃圖瓜  
分爛糜粥帝都偏霸易幾主一統之業定於孰紫氣  
高舉夾馬營用兵如神勢破竹天命所歸代周祚武  
威赫赫文郁郁蜀唐兩漢降獻地錢氏來朝爲臣僕  
周氏留氏又高氏皇風偃草皆匍匐四海爲家趙宋  
德通鑑續編可開籠

其三叙訓點終編之趣二十韻

先考昔讀資治鑑逐卷全部始滴朱不肖孤今繼芳

躅後訓行行墨點塗門生一即其姓狎起筆於庚戌  
孟陬每月定約五箇白時期不違朝午晡或至黃昏  
挑紅燭或及深更山月孤或映殘雪嫌霄短或對囊  
螢與星俱或凝肅霜忘永夜或燒束薪粟生層殺盡  
中山百千兔閃閃翻鴉墨不渝周秦兩漢三國晉南  
北分界雜五胡陪短唐久五季亂千數百年一長吁  
二百九十四卷畢亥子丑寅卯辰徂丁巳三月季七  
日全部功成忘勞劬我老不恙勵微力感卿不廢於  
半途曾聞通鑑行于世讀者幾希驢倚梧勝之芸叟

悉周覽除二人外有聞無訓點功成一人手八年葛  
 砧不須與有始克終古談美自今讀史共咨詎殘鶯  
 起予丁寧語教誨不倦戒懶徒新巢乳燕春誦響呢  
 喃日長育維雛竟宴相約綠陰下壯輩勿嫌一叟迂  
 我鳥峰先生林學士詩集卷第一百十八 終

豪英周主未悟非常器特授點檢掌禁共不意周主  
 俄早世母氏臨朝嗣子嬰群僚皆挾推戴志時有邊  
 寇裝北征陳橋忽以黃袍著反旗向都朝廷驚倉卒  
 遣將悔無益韓通必節有餘情質溥北面議受禪大  
 寶入手帝業成幼主遠遷幸不久彼此興變枯榮  
 李筠重進纔舉事大軍一出抗衛內抑強臣兵權  
 罷外制藩鎮州郡并委任趙普報故舊並置參政分  
 專橫四海混上何處議普第夜雪奈微行西蜀南漢  
 如歷卵孟昶劉鋹擒愍生長江不守李煜降錢氏稱



臣望汴京彬不妄殺喚仁將潘美亦是軍勢精號令  
嚴肅賞罰當貢舉試才懇品許萬機有暇幸學校浩  
然儒風自此萌建隆乾德開寶際億兆臣民頌太平  
可惜幽燕陷胡地契丹風腥猛虎猙何事於后漫遺  
詔子不繼父弟繼兄兄雖友愛弟心忍一夜燭影聽  
聲床側無人事深秘不審憑誰問偽誠三夕讀史今  
亦爾鄰鐘入耳月三更

丁巳仲冬初三日點宋鑑畢太宗紀作二十五

韻

我鳥峰先生林學士詩集卷第一百十九

東明集三十四

涑水殘滴

余加旁訓於溫公通鑑累年終全部其間每世各作  
詩述其大槩以爲小冊號涑水一勺今復口授伯庸  
欲加點於宋元通鑑齡逼衰暮其成功雖不可量既  
開卷起筆夫繼溫公記宋元之事者不爲不多然薛  
應旂所撰與溫公通鑑合編行于世故今所用者此  
本也薛氏此編尋涑水之流則一勺之滴亦不可乾

涸乎於是假地於楮國漱石泓之潤分客卿之色  
使米頭之奴騰之時延寶丁巳季秋二十三日也

起筆

宋元興廢奈天命涑水尋流薛氏編象緯示祥奎運  
煥胡風得勢漠塵羶行行旁訓淡燈照事事直書明  
鑑懸不識成功在何日兩朝四百八十年

十月十日加點宋通鑑畢太祖紀賦二十五韻

唐李五十年戰爭有人生於夾馬營紫氣光高著意  
見趙家將興天象明此兒既長事周主善謀善戰真

太祖初政頒九經親試舉士擇文藝威儀堂堂朝廷  
正昔日晉王今皇帝吳越獻地留京師陳洪進亦准  
奴隸太原劉氏保一隅官軍親征被囚繫四海爲家  
民安堵實是太平興國歲無奈北方契丹強龍駕不  
克再顛蹶曹彬潘美屢敗潰楊業勇剛力戰殫叢爾  
西夏李繼遷叛心不改甲兵銳縱然西北烟塵簇中  
原無事懷恩惠德昭不癡早自盡秦王無罪沒邊裔  
忍心不愧太祖靈忘否何忘母后誓多遜遠貶老嫗  
嘲趙普老成全身計噫天幸不棄此人良相並出多

濟濟宋琪李昉呂蒙正君臣相合見治世田錫禹偁  
錢若水諫言不止封事繼扈蒙宋白勤著述御覽英  
華千卷第翰林學士王堂榮御筆賜額墨痕麗賞花  
釣魚御遊樂侍臣恩賚和御製先皇曾附張齊賢政  
事堂上簪裾曳蜀土有盜風兩暝張詠當任忽快霽  
寇準一言儲位定二李調護固根蒂二十餘年在位  
久英名欲比貞觀際自誇都城極繁華觀燈不悟天  
有彗裁鞭不留桂輪轉六龍登遐袞冕瘞宰臣有人  
曰呂端早知事變鎖內殿

丁巳臘月十日加點於宋鑑終真宗紀作二十

五韻

繼祖承宗既三世穎悟拔允守成時春秋維富萬機  
暇刻經修史又嗜詩蒙正齊賢相位舊李沆執政公  
不私諷諫盡忠察邪佞言則必中服前知昇平既久  
干戈戢堪驚契丹寇北隄十萬強兵前無敵守邊將  
帥勞難支矯矯萊公獨斷決御駕親征龍虎旗澶淵  
城下堅盟約北寇早退旋六師億兆雖喜安手足幣  
使歲歲萬里馳生憎欽若纔佞語社稷重臣忽此離

嘆息天書下奚自託夢禱神不肯疑王且居位雖端  
正默而不言豈免疵獨有孫奭頻獻諫笑他群僚皆  
太癡瑞物競呈某州郡多哉千萬本靈芝翠華躋  
泰山頂封禪旣畢跡猶遺匪啻爲數千歲笑非禮祭  
奠神豈欺可惜萊公亦求幸阿諛再入顏朝儀不悟  
丁謂臆於後復被遠竄去禁墀此時猶有人才在敏  
中歷試舉台司翰林秀才見楊億蔡齊狀元肩誰比  
咸平景德一彈指大中祥符及天禧君主乖和不視  
政晉公獨步提綱維乾興改元憑玉几后輔幼主御

簾垂姦相漫誤山陵事積惡餘殃校於魑王曾不敢  
畏彊禦兩宮得カ保皇基

閏臘二十三日點宋鑑仁宗紀畢慶曆之年此  
後猶有數卷故先賦自天聖至慶曆之大槩以  
爲上篇凡二十五韻

仁宗初政不出已劉后垂簾統綱紀士遜夷簡相並  
相魚頭參政直於矢禮部貢舉得二宋難兄難弟列  
雁齒何事欽若被再用可憐萊公沒邊鄙觀麥聞織  
雖施恩茶鹽權法猶未止學校興建晏元獻無逸進

圖孫學士王曾外補夷簡專利用忠蓋罹罪累玉清宮  
殿招天災幸是力夜不再起太后寤天帝臨朝始知  
宸妃其所恃中書有事郭后廢時宰舍恨遂詔旨道  
輔仲淹諫被黜聞者鬱陶類有泚余靖尹洙歐陽脩  
連坐朋黨遠所徙公論四賢一不肖若訥厚顏不自  
耻不意西夏趙元昊風勢捲沙如虎兕范雍不守夏  
竦懦官軍戰敗劉石歿擇將再舉范仲淹韓琦才謀  
亦一揆維韓維范虜膽寒十萬甲兵在胸裏邊帥有  
入种世衡吳玠稱臣折角觜此時契丹窺北陸富弼

再使和彼此善哉韓范富三公能救時難天下倚西  
北兩寇既止戈宇內無事億兆喜宋德隆盛儒風揚  
並出周張二程子洛陽高尚邵堯夫見得君實才德  
美韓愈再出歐陽文長少連壁兩蘇氏官道如砥慶  
曆車推運天下共同軌

延寶戊午正月十五日點宋鑑皇祐五年讀狄  
青上元破崑崙關始末自嘆謂六百年前有此  
事六百年後讀其事月與日偶然相合可謂奇  
乎彼既為前代一談則此亦為他後一話何限

小人之殊呵呵走筆云爾

昔聞此夜破崑崙今讀遺編亦上元良將出師燈燭影老儒加點墨朱痕武威風起雄龍猛賊壘雪消群蟻奔關門不鎖海波穩日永嚶嚶鳥涉園

戊午二月三日點宋鑑畢仁宗紀叙皇祐至嘉祐

祐十五年間之事作二十五韻以繼上篇

君主幸苑察民勞不栽花木唯栽麥使相講易為盛事執中免職遠貶斥豐年為瑞賢為寶芝草貢獻却校擲不畏彊禦唐介直希文易贊誰不惜驚破儂賊

侵邕州遣臣然節頗狼藉法嚴桓桓狄將軍上元燈

光煥忠赤崑崙關外一戰功魁首晦迹躡又踏孫復

胡瑗共直講經書疑義雪冰解彥博富弼良相並范

鎮諫言洪基關儲嗣未定雖猶豫群臣頗請聞不數

誕產不育養濮王大寶讓授豈不擇四十年來四海

平兆民仰慕仁政積漠北風靜不揚塵西虜稱蕃使

重譯包老一笑黃河清漫呼閻羅亦遮莫鐵面御史

望儼然知否琴鶴風流客永叔選舉千百士文章格

法忽變革彥博告老富弼退君實上言尤明白善哉

朝廷不<sub>レ</sub>乏<sub>レ</sub>人邵雍抱獨官路隔介甫姦智猶未顯孰  
 識禍根始<sub>一</sub>畫唐書新撰備奏覽歐宋追還班馬迹  
 星霜推後聖筭高魏公當國火大策漢王出<sub>レ</sub>邸入東  
 宮實是真宗同一脉曹后顏政猶垂<sub>レ</sub>簾生憎<sub>レ</sub>內官生  
 間隙首相能達母子情兩宮和睦天下憚趙氏社稷  
 幸安全時有名臣如杜右

二月二十二日點畢宋鑑英宗紀作十韻

英宗登極君天下韓琦輔翼是元功曹后撤<sub>レ</sub>簾早還  
 政濮禮群議有異同王珪君實言堅執無奈不<sub>レ</sub>協歐

陽公富弼出而彥博入范鎮呂誨諫不通君實治鑑  
 筆資始編年體倣左氏風嗚呼可惜英筭短治平四  
 年一夢中帝座不安憑<sub>レ</sub>王几韓公策定震宮杜鶻  
 自南飛向北攬眉天津橋上翁韓公出<sub>レ</sub>外安石用痛  
 恨新帝猶童蒙神謬一戰虜夏賊自是邊兵向西戎  
 戊午五月三日口授伯庸點宋鑑畢神宗紀作  
 二十五韻

神宗臨朝熙寧始韓富彥博皆耆英不意安石俄大  
 用每言協<sub>レ</sub>且權勢成諸老出<sub>レ</sub>居閑寂地青苗新法禍

根萌惠卿章曾為姦黨呂晦先見唐介爭爭者被退  
 附者進執拗一夫當國橫內變舊制加聚斂外開邊  
 隙若軍營君主不知糴即誑欲施仁愛誤蒼生舊相  
 直臣猶憂國封事諫疏抱忠誠時宰姦才逞私智致  
 君堯舜欲遂各國風麟經不進講推為國是舉世驚  
 生憎放言侮聖筆選舉取士違世情范鎮趙抃慙待  
 闕阿諛面從如病醒韓絳同列呂為佐傳法護神漫  
 言訶可憐相州木星墜天使魏公奠兩楹投老鍾山  
 果為讖有悔噬臍呂惠卿程公纔治小縣政無奈浮

雲掩太清子厚不顯堯夫隱蘇子得罪遠避京君實  
 諫盡閉口默十五年來老洛城周秦漢晉六朝又隋  
 唐五代治鑑明不做遷固做左氏御制賜序一時榮  
 官師西面夏寇出幽薊北虜亦未平黃河屢決興大  
 役五穀不豐處處蝗鳴呼新法頻成害人有何功空  
 封荆猶有祖宗德澤遺脉運繩繩國不傾龍駕登遐  
 元豐夢高后垂簾抱孩嬰此後伯庸喪耦又有遷居  
之事而懈於加點者半年  
 餘  
 元祐十五年大梁元二十題

延寶己未四月口授伯庸點宋鑑畢哲宗紀五



月六月余罹病至七月而愈於是叙元祐紹聖  
元符十五年大槩作二十韻

哲宗幼冲坐紫宸垂簾政出皇祖母時有宰相正邪  
半用正捨邪由賢后蔡確先免姦黨退馬公與疾仰  
泰斗北邊聞名不生事天哉可惜不得壽呂公以國  
爲已住再起潞公輔元首大防純仁共俊傑二相並  
用能左右二蘇居職屢言事正叔侍講專道誘祖禹  
諫議兼學士其餘秀才各有取元祐舟救熙豐溺女  
中堯舜名不負無奈洛蜀朔立黨彼是相謗各分部

高后昇遐時勞變姦人諛言君主受紹述神宗安石  
法章惇入相引類醜范呂罷而二蘇黜元祐時臣皆  
遭咎生憎謾毀宜仁后椒房廢位惑寵婦嗚呼哲宗  
唯一人泰窮變否如反乎西夏窺隙邊塵起防秋武  
夫不赳赳二惇二蔡天下病皇綱不振欲解紐可笑  
咸陽得秦璽妄言永昌祚不久偶慶弄璋得又失痛  
恨皇胤至無後何事天網漏麟鳳中原却使豚犬走

我鳥峰先生林學士詩集卷第一百十九 終

我鳥峰先生林學士詩集卷第一百二十九  
於是在云爾  
庚申二月二十三日 恩許致仕  
自笑依前富士山幸然解印慰蒼顏丹鉛雖久錄  
公案無奈餘夫既蠢頑

我鳥峰先生林學士詩集卷第一百二十九

餘黎稿

林翁致仕既送春偶病間則不覺催於春謾吟者  
殆三十餘首自謂周餘黎民靡有子遺者乎春既  
過而及夏殘喘自若斯民亦尚有所利哉餘黎稿  
於是云爾

庚申二月二十三日 恩許致仕

自笑依前富士山幸然解印慰蒼顏丹鉛雖久錄  
公案無奈餘夫既蠢頑

公又

梅杏皆紅共指南老夫致仕臥圓庵自知精爽託餘

慶日是春中二十三當先考俗忌且故三四云爾

聽鶯微吟

久矣吾衰背縹緗逢春猶是拈吟囊黃鸝欲起病翁

廢百喜揚聲唱呂望

病餘奉謝宮津城主賀余致仕次韻呈焉

累代士林功業隆微身修好世交通辱恩敷奏不忘

我我是纔餘勃率翁

上巳口號

餘寒已去一春温殘喘猶全元氣存唯聽鶯聲丸藥

響音自忘上巳路人喧

余投老之日偶別伯郎赴京省老父

遠慕家翁遊五陵笙歌受業敬能承春風手裏考槃

日無奈花時欠一朋

三月六日與春常五更所居余移六義堂乃是

所以致仕之實也六義堂者先考所營詩仙堂

之跡而既名六義者也

元是詩仙今六義堂顏雖異所知同縱然前後換名號相受相傳家永通

春日涉園

紅碧桃華何彼穠白櫻漸競衆芳宗人皆相待陽春艷不問千株栽小松

庚申三月九日受家兒饗

我子克家州學翼解顏稔昔古憶桓榮曾爲王長今爲客忘老自當尊者名

聽雨任口

花時却厭花時雨身是負花獨閉戶退閑不求友人來明日解晴自有主

群櫻巡覽

問櫻何以冠吾邦櫻曰衆芳無可雙桃李與僅他白眼牡丹芍藥受風降

紅椿

紅花累累綴圓笠巨勢霞連輝都邑木部春盛錦作堆白玉含露色不及

紅山茶

椿耶不必謂南華朱色今何和自此三種縱然殊兩  
種莫嫌花信曰山茶

早朝見梨花

淡白花開春色暗雪香凝眼李長庚東欄影落落  
月不覺一方朝既明

三月十六日初聞京師妹以二月十一日掩粧  
乃依余罹久病故留守者審秘及此也踰月余  
既致仕後聞其訃筆與悲淚落不能作語任口  
賦瓜體一首

我近成童阿妹生彼今浹年五十一六秩加三兄慙  
生哀而無辭自絕筆

又二首述懷

想得同胞久別離我居海角汝京師京師千里猶傳  
信夢斷渺茫不再知

舉世相期花是春春過花落漸成塵病身猶識花存  
眼夢裡却思泉下人

春將暮時惜群櫻之落偶寓美人之便於花設十  
題以起病餘之興

洛神

花同姚魏誇白璧淨無瑕風度自迴雪飄飄升彩霞

湘靈

娥英協于帝託花共艷麗兩岸重韶華追春結芳契

西王母

瑤池設宴高青雀向臺翔粧鏡花移玉添紅千歲桃

虞美人

賜鳥歌豈楚歌四面奈虞何花競風流陣春於野草過

卓文君

寶曆花點粧琴臺寄閑雅四壁家富春文君不新寡

王昭君

別春彈琵琶萬里入胡沙花不隔顏色畫工誤漢家

明飛燕

得時春色紅飛燕自西東風擺花輕舞分明煥漢宮

陰麗華

春滿洛陽殿雲温陰麗華麗華佳氣鬱笑彼後庭花

上陽白髮人

入內宮賜鳥老上陽春負人惜花嘆白髮蜀道亦蒙塵

錦繖夫人

洗氏號石龍夫人又稱錦繖夫人見梁陳綱目及新續列女傳

老強洗夫人春向手中管石龍追紅雲鬪花張錦傘

以上十首

海棠

嫋嫋却嫌桃太肥紅粧曝錦競春輝洲材莫說無香

恨曾被梅兒冊作死

又

韓韓萼跼花正葩召公所爰思無邪知不一種傳何

處博望春闌乘海槎

白頭草

何為一病翁白頭一徑草草自是無心翁與春風老

萃髮蔓草

萃髮蔓傳小草釋氏有云云瓔珞添紅色映春得一分

紅躑躅

花開錦繡麗於霞添得臙脂春有萃染出杜鵑枝上

月浣來茜子石頭紗

黃躑躅

俗稱岩躑躅

巖有躑躅生常盤一種託名詠歌跡莫把繁萃比姚

黃花穿<sup>ツ</sup>地上老人石

躑躅四色接<sup>フ</sup>花<sup>ヲ</sup>

紅白紫赭各<sup>ク</sup>旁出接<sup>フ</sup>花<sup>ヲ</sup>手段託<sup>ス</sup>奇術<sup>ヲ</sup>曾<sup>ラ</sup>分<sup>ツ</sup>三教桃李

梅<sup>ト</sup>同工異曲又加<sup>フ</sup>一<sup>ヲ</sup>

孟夏第三日謝源民部大輔贈<sup>ラ</sup>緋牡丹<sup>ヲ</sup>今春大

輔初<sup>テ</sup>浴拾遺之恩榮然<sup>モ</sup>余久<sup>ク</sup>罹<sup>テ</sup>舊痼未<sup>ニ</sup>賀<sup>セ</sup>之<sup>ヲ</sup>故

託<sup>シ</sup>國香述<sup>シ</sup>微忱<sup>ヲ</sup>

家聲傳<sup>テ</sup>世寄<sup>ス</sup>芳菲春色得<sup>テ</sup>時<sup>ニ</sup>花有<sup>リ</sup>輝好是牡丹根本

固染成<sup>ス</sup>拾遺大夫緋

鐵線草

花紫<sup>シ</sup>而蔓<sup>アリ</sup>一名<sup>ク</sup>風車

御風幾轉<sup>ス</sup>車<sup>ヲ</sup>綰<sup>テ</sup>線<sup>ヲ</sup>似<sup>ク</sup>纏<sup>フ</sup>鐵<sup>ヲ</sup>綴<sup>ル</sup>紫<sup>ヲ</sup>如意珠誰<sup>カ</sup>家<sup>ノ</sup>同心結

良塾謾興

獨坐夏日長倚<sup>レ</sup>杖<sup>ヲ</sup>良塾<sup>ニ</sup>下<sup>リ</sup>友<sup>ヲ</sup>于<sup>テ</sup>鶯<sup>ノ</sup>入<sup>リ</sup>巢<sup>ニ</sup>躍<sup>ル</sup>者<sup>ハ</sup>雀<sup>ノ</sup>穿<sup>ツ</sup>瓦<sup>ヲ</sup>

又

紅白既<sup>ニ</sup>化<sup>シ</sup>塵<sup>ニ</sup>蜂蝶<sup>ノ</sup>空<sup>ク</sup>問<sup>フ</sup>葉<sup>ノ</sup>人間榮落<sup>シ</sup>夢<sup>ヲ</sup>百年一瞬<sup>ノ</sup>急<sup>ク</sup>

細細<sup>ク</sup>又

躑躅花數<sup>ニ</sup>巢<sup>ル</sup>異<sup>ニ</sup>色<sup>ヲ</sup>各<sup>ク</sup>貽<sup>フ</sup>厥<sup>ノ</sup>感<sup>ヲ</sup>時<sup>ノ</sup>問<sup>ノ</sup>始<sup>メ</sup>終<sup>ヲ</sup>三月又五月

又



連架紫房藤春過蔓不增繞花今有恨榮待未波興  
又

酴醾何設酒青州怪欠柳存名不自存可有却無有  
以上五首

白躑躅同庭異處

躑躅一二花同色高低隔夏山滴猶寒不雪分三白

感雨

公道世間朝又暮晴好雨奇不暫任閑人何管雨與  
晴晴則庭花雨綠樹

春菊問答

庭有紫葉小而開夏初者俗喚曰春菊

問春菊開夏之中央正黃於秋節籠寒葉於霜嗚呼  
與類異抱春何為芳春菊答紅杏有褪花海棠發秋  
草冬亦姚魏家植物非無變嗚呼君獨嗟

臥病見芍藥

花殿餘春催叢萼萼將開病自若眼見翻塔漸嬾  
娟他日調和期良藥 四月二十日

我鷺峰先生林學士詩集卷第百二十 日本書紀 大尾

鷺峰先生全集後序

鷺峰全集二百四十卷其文

二千二百三十餘篇其詩七

千七百六十餘首 七 故弘文

院學士林文穆先生之所著

鷺峰全集後序

也。先生易箚之後，今弘文  
院學士林君直民，手自校閱，  
分類紀年纂之，編之數歲而  
成。壽之棗梓以行于世，且欲  
傳異域，嗚呼盛哉！大哉！

先生上克山羅山夫子之家  
聲譽之芳，無所不遺；之下傳  
業於直民，詩禮之教無所不  
聞之三世，侍讀不聞之不  
幕下為海內之儒宗，中華

本朝世能繼志述事如此者  
幾多人乎皆非希世之才豈  
能然乎伏以先生有功於  
學者有三美也寬永承  
命服 羅山夫子之勞叙諸

家之系譜其美一也寬文提  
舉史館而撰本朝通鑑其美  
二也弱冠講五經各編私考  
其美三也誰能企及乎今讀  
斯集又見有其三奇其廣大

也如山之有榱桷豫章其不  
測也如海之有蛟龍貨財文  
章精工名實該備如武庫之  
森森如經笥之便便者豈非  
一奇也乎凡古賢著作無闕

失者鮮矣或有亂離之厄或  
有水火之難或有怠惰不記  
者或有子孫不纂者如  
先生長於太平之世無斯四  
事其全備而存者豈非二奇

也乎中華文物家集遺文者  
幾千萬家乎其卷及二百者  
纔可屈指如斯集也卷帙成  
堆積之如雲束之如阜者豈  
非三竒也乎節及其門既已


有年如其三美則平日所仰  
望也今得此三竒者亦可謂  
大幸焉先生嘗編羅山  
夫子之集也煥乎能述其事  
今直民編先生之集也嗇

乎能繼其志矣子葉孫枝相  
受相續騰其茂固其根必矣  
所謂雖百世可知也者乎以  
節不敏豈可容吻於其間乎  
然直民之所命不可拒之聊

綴瑣言為之跋云

元祿己巳秋七月

竹洞野節識



鷺峰先生林學士集附錄  
 自叙譜略  
 元和四年戊午  
 五月二十九日生於京都新町宅  
 父林入名之曰吉松  
 伯祖理齋  
 先考在江戶母順  
 淑孺人育養之外祖荒川宗意殊愛撫之  
 五年巳未  
 六年庚申  
 十一月次兄長吉庖瘡與長兄敬吉共避之赴宗

我鷺峰先生林學士集附錄

自叙譜略

元和四年戊午

五月二十九日生於京都新町宅

在四條坊門  
錦小路之際祖

父林入名之曰吉松

伯祖理齋  
幼名也

先考在江戶母順

淑孺人育養之外祖荒川宗意殊愛撫之

五年巳未

六年庚申

余三  
歲

十一月次兄長吉庖瘡與長兄敬吉共避之赴宗



意宅二十一日長吉沒時五歲既而敬吉及余在宗  
六意宅而庖瘡母晝夜保養共快復自是屢赴宗意  
正宅遊戲

七年辛酉

八年壬戌

九年癸亥

寬永元年甲子

余七歲

先考在洛常抱余屢稱膝上王文度又曰此兒能  
飲食常不擇五味後必保家戲稱曰常吉今年

十一月二十一日同母弟靖生

二年乙丑

余八歲

先考在江戶余就敬吉習讀書

三年丙寅

九歲

八月朔日先考從台駕入京四日宗意病歿

台駕東歸之後先考暫留講論語余陪座冬

先考赴江戶依其命就松永貞德習國字頃間或

正人戲曰敬吉繼家業東行可仕幕府二弟唯留洛

亦足矣余掉頭不肯其人曰此兒亦不尋常

四年丁卯

十歲

五年戊辰

十一歲

敬吉講大學余陪聽十月敬吉赴江戶余與靖留洛侍母側常受慈訓在洛門人時時來則對諾及文字之事且好誦倭字草子

六年己巳

十二歲

六月十六日林入沒於京十九日敬吉沒於江戶二十五日敬吉訃至母悲歎殊甚先考聞林入訃而賜暇歸洛其間追悼敬吉激勵余學既而

先考東行今歲余有病太瘦藥灸有驗逐年肥滿

七年庚午

十三歲

今春元服號又三郎春勝

字子和後改名恕字之道既通習五

經句讀又登東山讀山谷詩集又過中村氏宅讀東坡集此夏母疾病召親戚議醫藥之事六月七日先考賜暇歸洛此日妹生既而母病愈先考爲余講尚書左傳序且口授左傳句讀中秋始作詩先考賜和及冬先考東行道逢上使有官事而入洛又歸家畢事與上使赴江戶

八年辛未

十四歲

讀史記前後漢書又讀十八史略十餘遍略知歷代治亂興廢且頗知本朝故事

九年壬申

十五歲

見先考所作大學諺解而讀論孟中庸大全頗窺五經又見聯珠詩格瀛奎律髓唐詩選唐詩解古文前後集等學詩文召門人稻春碩講論語及古文弟靖始承句讀於余

十年癸酉

十六歲

時時會那波道圓聽其講孟子又為余講春秋胡氏傳

十一年甲戌

十七歲

與道圓會如前聽其講感興詩又來余宅講學論文六月先考從台駕入洛其間余及靖執謁於元老執政以官事繁務未遑拜幕下幕下東行之後先考暫留洛十月三日攜宜人及余靖并妹赴江戶斷髮號春齋靖自途中有病十一月朔日余始登城奉拜幕下土井大炊頭利

勝道子之松平伊賀守忠晴啓達之歷日見諸執政  
謁貴戚

十二年乙亥 十八歲

正月朔日登城奉賀年始拜禮

二月聖堂釋菜講論語首章夏秋之間患小瘡

累月自是在宅專勵讀書一覽事文類聚全部加

朱有暇則作詩

十三年丙子 十九歲

在家專學問

今冬朝鮮信使來朝其筆吏全梅隱因先考志

求而書向陽軒三字以為余號

今歲亦有病起居不快病間代先考作倭漢軍

談堀田加賀守正盛所求也

十四年丁丑 二十歲

讀通鑑綱目全部加朱且涉獵群書又見日本舊

記凡有公務則在家略顏聽之

十五年戊寅 二十一歲

春夏之間先考新作一字使余移居焉

八月十九日叔父東舟卒其子永甫繼家自此冬  
 余及永甫始列棠陰之廳且顏寺社訴論之事屢  
 赴安藤右京進重長松平出雲守勝隆宅而朔望  
 登城屢應土井大炊頭之招聞天正慶長舊談  
 又時時會石川主殿頭忠總松平右衛門大夫正  
 綱聞御當家參河遠江開基之事此三叟者直  
 在其時之人而其所語皆為實說其餘老人之言  
 亦多聽之○頃間謁尾張亞相義直卿紀伊亞相  
 賴宣卿水戶黃門賴房卿及彦根羽林直孝中

義直卿殊加懇意經年賴房卿亦眷遇稠厚此

冬講三體絕句

十六年己卯 二十  
二歲

自三月講山谷詩集并任洲註十一月十五日娶

倉橋至政女

十七年庚辰 二十  
三歲

四月講畢山谷詩并註總二十卷其後講詩經集

傳有命編集諸家系圖傳從先考屢赴奉行

太田備中守資宗宅議之每日書札來往然詩

定日不懈

十二月朔日會誓願寺試系圖起筆今歲先  
考舉百問余及靖有對詞

十八年辛巳 二十  
四歲

自四月朔日會評定所編集系圖每日赴焉終年  
自是不預棠陰及寺社之事以勞系圖之事無  
暇也然執政有殊旨則預往焉永甫臥病不起  
余專勞系圖之事頗為先考之助 其事詳系  
圖序年別記

十九年壬午 二十  
五歲

勤系圖之事如去年今春暇日作七武論

二十年癸未 二十  
六歲

自春至秋勤系圖之事同前

七月七日朝鮮信使來朝先考及余靖與三使

并朴學士贈答 有別  
記

八月十一日長子春信生名慤字孟著號勉亭稱

梅洞

東福門院有欲聞朝鮮來貢始末之旨阿部豐後  
守忠秋使余作記而獻京都

九月九日諸家系圖傳悉成漢字倭字總三百餘卷

同月十四日有讓位卽位之事酒井讚岐守忠勝松平伊豆守信綱爲上使上洛依命先考及余從兩使賜官金驛馬發途晦日到京十月三日觀讓位之儀二十一日觀卽位之禮十一月十四日出京此行在京之際古河拾遺土井利勝寄衣食二十四日歸府有別記及往還詩卷此行在京之際與先考更日會兩使於京尹板倉周防守重

宗宅讚岐守始知余堪可咨詢謂先考曰春齋實是卿之家督也自是眷遇日厚歸府之後達於上聞爾來每有文事公務余無不預焉伊豆守亦徃徃加懇意

正保元年甲申二十

七歲

四月七日講畢詩傳

頃歲先考承命作鎌倉京都將軍信長秀吉譜本朝編年錄中朝帝王譜余及靖代其勞但編年錄未成

十二月十四日次男春常生名、憲字直民、號盛字  
○同月末始賜年俸二百俵、并月支阿部豊後守  
傳命

二年乙酉

二十  
八歲

正月九日始講書經蔡傳

是月宗對馬守義成就執政、白曰朝鮮守我國禁  
擒南蠻耶蘇邪徒護送諸馬嶋乃獻禮曹書簡

二月有命曰對馬守遣回簡於禮曹可感朝鮮  
厚隣好也以非私贈答故先考蒙命代對馬

守作之與元老執政相議之後於御前決焉時

有旨改五六字先考受旨欲退有命曰卽座

改之余執筆改正備上覽而定焉此時讚岐守

堀田加賀守候御前伊豆守授官紙於余阿部

對馬守磨墨在御前之輩是耳豊後守患服不登城

四月二十三日今太君元服任官從先考顏

其議先是定御諱亦爲先考之助

今夏有東照大神君官位昇進年月之沙汰五

月朔日曉余賜驛馬赴日光翌朝終山逢毘沙門



堂公海寫神庫所藏太政大臣宣旨三日午刻歸府登城獻之同九日又乘驛登駿州久野山寫御官位宣旨入通而歸到大磯驛會勅使菊亭大納言經季卿自江戶歸洛告其趣十二日夜歸宅往還可九十里翌日登城獻之其後經季卿奏聞補不足而東照神君御官位宣旨全備矣  
頃年有高野山衆徒行人之訴論執政聽之余亦願焉其後於御前裁斷之禁錮其長無量壽院

澄榮寶性院山青文殊院山立而有命遣安藤右京進於山中猶鞠治其事且尋問古來之寺法余亦被召於御前辱蒙御旨賜官金驛馬蓋是讚岐守推舉也十月十四日與右京進同途出府下旬到京會周防守召仁和寺大覺寺東寺寮徒於五味氏宅問衆徒行人之等品而歷伏見淀大坂泉塚入紀州登山每日議其事召山僧尋問之留山十日悉見古今舊文寫其切要者冊子滿籬終事歷和州詣三輪初瀨憇奈良拜春日入京十二月歸

府臘末叙法眼位。上使來。先考宅示  
 日光文書其中官符內記。東照社多。余在側  
 白。先考曰。據延喜式神名帳。稱社者尋常也。稱  
 宮者殊尊之也。如伊勢宇佐鹿島香取是也。禁中  
 尊。東照大神則宜稱宮。然稱社者奈何。先考  
 領焉。壹岐守默不言而去。奏其趣於便殿。其後松  
 平伊豆守殊受密旨來問。宮與社之差別。先考  
 獻勘文。余侍焉。其後酒井讚岐守依命來詢焉。

再白。睿旨然欲以直論決之。去年以來。先考有  
 病未全愈。故召自內門。別許乘輿而登。城余獨  
 自徒步從之。既而依。仰於便殿。直被問之。讚岐  
 守等候焉。先考畢事而退。經日。今川刑部大輔  
 範英為。上使上洛。就菊亭大納言經季卿奏之。  
 及冬。經季卿為。勅使登日光山。有改。東照社  
 賜宮號之。宣命經季卿及範英加倍食祿。余在  
 高野山聞此事。然則宮號之事。出自余之一言者  
 乎。

三年丙戌

二十九歲

先考自去年至今秋有病故有官事則余登テ城勤之或日光山東照宮加封戶或草參州龍山久能山及河越仙波神領之案或初願官幣例年之事又於御前直讀東叡山寬永寺院號圓頓之名而奏之

十二月八日太樹出御黒書院讚岐守ヲ携余拜御前依命登壇ニ上壇ニ違ニ台顏咫尺讀進日光山印章畢事而退其明白依召登城讚岐守豐

後守傳命曰春齋能勤家業ニ倍祿賜五百俵且別賜宅地余拜命之辱ニ豐後守曰專是讚岐所執達而大君之登庸也此日靖蒙殊恩始登營賜年俸二百俵及月支ヲ詳テ靖テ此日伊豆守有故不在城

四年丁亥

三十歲

正月余移新宅此乃去冬所賜本先考賜倭漢群書一千餘部是東舟所往也

十一月十三日從御駕於王子村假閣觀大追

物有別

今年大明福州有乞援兵之事書簡屢至長崎司  
山崎氏獻之余依執政之命獨頑其返報或讀進  
御前或受命從伊豆守赴彦根羽林藤直孝告  
其趣且就先考日日陪讚岐守堀田加賀守阿  
部豊後守阿部對馬守席踰月而後侍紀伊亞相  
頼宜卿水戸黃門頼房卿於營中讀福州之書簡  
此事皆執政甚秘故余亦不能寫之其  
記錄絕而不詳傳之其略記粗存於家

慶安元年戊子三十一歲

四月十七日正當 東照大神君三十三回御忌

辰讚岐守携余先登山及十六日 官駕入山法

筵前後次第無不窺見之二十日還御又其餘齋

會件件悉畢及月未從讚岐守歸府作記詳叙始

末憑讚岐收獻之又圖其大要每段作其辭

二年己丑三十一歲

七月余罹熱病殆危貴戚元老屢以使者問之既  
而達 台聽命執政曰其父老莫使彼久宜擇醫  
療之執政使久保氏到余宅諭上意讚岐守每

日使來懇問之其餘執政屢問之至九月平復登

城辱蒙徽音議病後自記

今秋久娘生今冬講畢書經有私考

三年庚寅三十歲

正月十一日始講春秋胡氏傳

八月七娘生

今秋應讚岐守求作中華歷代紀略此後又作日

本玉代一覽又作歷代荃宰錄

四年辛卯三十歲

自春至夏余有贅疣病至秋恢復有別記

四月二十日大猷公薨奉葬日光山先考登山

八月今大君任征夷大將軍余若徒奉拜之屢

願元老執政咨詢有別記

頃年讚岐守懇遇愈加依余勸先讀保元以來倭

字記次聽東鑑遂聽史漢通鑑等書屢招余談倭

漢之事在營中相會亦及此

承應元年壬辰三十歲

秋冬之間讚岐守登日光莫山中之制法余同行

畢事而歸

二年癸巳

三十  
六歲

四月大猷公三回御忌辰讀岐守登日光山行

法會余從之往還

有別記

今冬先考借野州足利所藏之五經註疏舊本

與家藏本對校余與靖頑之或朝往而暮休或午

往而夜歸或宵往而曉歸累歲終功

自寬永壬午暇日從先考遊淺草蘭若及友人

門生宅有倭漢十題之詠至今茲三千首成

三年甲午

三十  
七歲

三月二十七日講春秋胡傳畢

八月始開禮記講筵

明曆元年乙未

三十  
八歲

今春先妣有病周年未愈夏秋之間移余宅願

療累數月歸本家

六月蒙命撰日本百將傳抄五卷獻之

十月朝鮮信使來朝侍先妣病之暇與靖相代

見三使及李進士贈答有別記及其登城余亦入

營觀其儀以先考齡高且先妣病故余代其  
勞日赴執政宅而登城御返簡及元老執政  
回書於余宅清書之爾來每有朝鮮之事無不咨詢其餘外國之事亦然

二年丙申三十九歲

三月二日先妣易篋以儒禮葬之有別記閏四月

依遺言赴京五月歸府有別記今秋長男春信始

登城謁見

三年丁酉四十歲

正月十八日余宅罹災十九日先考宅罹災時

先考有病避災移忍岡別墅二十三日捐世有別記

六月十九日登城賜先考食祿九百石於余

以余所食五百俵賜靖

八月江戸神田新宅改作成移居以俗忌既除故  
講禮記殘編

萬治元年戊戌四十一歲

春祠堂成二月行春分祭自是每歲分祭之祭不懈集先考

遺文家稿罹災故搜索於四方

三月賜官本六十部且賜官金五百兩為求

書之料以家藏之書惟今春之災也由是累年之間或買之或寫之數百部

六月蒙命輯唐百人一詩先是先考承命

撰中華百人一詩此後又撰三十六詩人配歌仙

十二月飛命書論語十有五而志于學一章於

聖像之上狩野探幽所畫

二年己亥四十歲

正月作本朝甲子會紀論又叙兩朝甲子

二月以三年喪終故行釋菜有別記自是每歲或春

或秋行之爲例皆有別記

八月十八日講畢禮記

今年所集遺文至百五十卷乃刻於梓

三年庚子四十歲

今秋有河魚疾保養之間口殺春信作本朝一人

一首

十一月作本朝誓古編一萬言

十二月賜官金五百兩爲聖殿重修之料

寬文元年辛丑四十歲



三月十二日靖歸泉

詳天倫哀事

願議改元之事例也。會津中將源正之前橋少將

源忠清阿部豐後守忠秋稻葉美濃守正則同坐

致仕酒井空印元讀 岐守亦願其事

六月羅山文集板刻成。作序行于世。

十一月蒙命撰異朝百將本朝三十六將小傳

十二月廿八日叙法印位。今年講易學啓蒙畢

二年壬寅

四十 五歲

正月始講周易本義

二月先聖殿重修成。行釋菜

今春依安藝世子綱辰求作本朝人鑑圖說

此後 綱辰

封國有續編之請。余諾。不果。綱辰卒後。其嗣安藝守綱長請不止。故作續編。

十月元老前橋少將酒井忠清傳可繼成。本朝編

年錄之

命有別 記

十二月春信賜學問料三百俵

三年癸卯

四十 六歲

二月十八日憑久世大和守獻羅山文集於御

前蒙

御感 大和守奉 書有之

三月十七日久娘患疱瘡而沒

四月先八台駕伴阿部豐後守登日光山有于後

十一月講畢周易本義至此五經悉終功

余自始講詩以來至此二十三年其間講職原抄於前橋少將忠清講孫子講義於姬路拾遺忠次講大學論語全部於永井伊賀守尚庸講論語半部於松平主殿頭忠房講中庸於加賀中將講洪範於井上河內守正利其餘或不終編或僅數席者猶有之又與水戶參議光國卿詩文贈答與井

上河內守及其叔父筑後守政重談易論性理議喪祭之禮與加藤內藏助朋友談道理屢遊其宅作文賦詩其餘士林交際見家集

十二月二十六日賜弘文院學士號有奉書

四年甲辰四十

七歲

今夏元老執政承命損益前代法度定新制二十一條且禁殉死余顏咨詢五月二十三日諸大名并一萬石以上應召登城余先於御前讀新法度而後從諸老出前殿高聲讀之侯伯城

主等共謹聽之

七月二十八日編年錄續補事決永井伊賀守尚

庸為奉行有別記

八月五日被定麾下法度二十三條召隊頭群

士告諭之余又讀之議制法者會津中將源正之

姬路侍從源忠次前橋少將源忠清忍拾遺阿部

忠秋小田原拾遺越智正則及副執事久世大和

守廣之土屋但馬守數直而已余并右筆一兩人

在其席

同月十五日次男春常姪春東始登城拜謁

十月改本朝編年錄名而號本朝通鑑會津中將

源正之姬路侍從源忠次及元老執政定其議是

月二十一日移居忍岡十一月朔日本朝通鑑起

筆自是至康成之冬始末詳別記

五年乙巳四十八歲

正月八日通鑑起筆此後歲初起筆以十一月為例

二月二十五日行菅祭有別記

四月東照宮五十回御忌辰從前橋少將登日

光山春信同行

有別記

五月二十五日

聖殿奏舞樂左方伶長辻伯耆

守近元等以下左右伶人三十餘輩勤之

有別記

今夏蒙命作靈芝說

去年甲辰之冬郭外箕田妙嚴寺生靈芝以爲奇瑞備上覽狩野探幽圖之至此有命如此余拙於運筆春信代書之

七月患瘡至九月愈

今年作姬路拾遺源忠次碑文忠次嗜倭歌寫貯舊記於余交際最渥詩歌贈答三十年嘗依其求撰中華武將三十六人圖之屏風今流傳于世

林家家有之

六年丙午

四十九歲

春催瓊筵坐花會

有別記

七月九日春信移神田本宅每日來史館修通鑑

二十九日娶太田氏女八月四日臥病九月朔日

終命

有別記

有產芝之感見屏史多矣因是

想之春常善居凡喪之應乎

十一月二十六日七娘沒  
十二月二十三日春常賜年俸三百俵余亦賜黃

金五枚蓋 官命起我家之不幸也由是感發不  
色自明春史館通鑑之務如前

七年丁未 五十歲

今夏續補春信史館茗詒 今秋依會津中將源

正之求作會津山水賦 此後又依其求作會津風

田園記又其所編輯二程治教錄三子傳心錄王

山講義附錄皆作序歷年中將卒後依遺言風土

記等五部皆

十一月二十八日春常娶畠山民部入道休山女

八年戊申 五十歲

今茲井上河內守新製篋篋蓮豆納聖堂

九年己酉 五十歲

八月再興釋菜之禮 春信沒後吾家又有凶事

十年庚戌 五十歲

六月六日東方白而日出之時嫡孫吉松生外祖

休山以余幼名自筆二字授之 七日召於御

前讀進通鑑序二篇 十二日獻通鑑十二箱於

御前雖其末三箱未清書以奉行伊賀守任京尹

近日發途也是亦依命也 十九日召於御

前加賜米地二百石依通鑑編集之勞也春常賜  
白銀千兩春東賜御服門生及校者賜物有差詳別  
記初通鑑起筆之時姬路拾遺前橋少將來觀其  
稿既而小田原拾遺來其半時再至久世大和守  
亦來永井伊賀守以為奉行故或每月而來或隔  
月而至其餘松平彈正大弼綱晟淺野因幡守長  
治松平日向守信之松平主殿頭忠房板倉内膳  
正重矩井上河内守正利太田備中守資宗同攝  
津守資次加藤内藏助朋友小出備前守吉之鍋

嶋加賀守直能京極主膳正高通渡邊大隅守綱  
三保田若狹守宗雪阿倍氏兄弟或偶來或屢來  
○此月二十日致仕元老忍拾遺忠秋與病而來  
過賀大部成而加祿

二十七日伊賀守赴洛

十月十八日通鑑殘編畢成納諸三箱憑執政久  
世大和守落達之總計三百十卷詳別二十三日  
所附史館之九十五人月俸不改之以為勤公用  
聚諸生之料二十八日修通鑑竟宴會又記編輯

始末爲冊子遺於京尹

自今春官暇補論語諺解又與春常作詩經私

考以四經皆有私考唯闕詩考也

十一年辛亥五十

正月春常講詩經

二月釋菜前橋令嗣河內守忠明來觀自是執政

嗣子又城圭等來觀釋菜者多矣

四月春常蒙命從小田原拾遺赴日光山作大

猷公二十一回御忌辰記

是冬詩經私考并別考成史館夜課覽畢三國志

晉書并荀悅漢紀袁宏後漢紀又點性理大全二

程全書小學句讀近思錄四書人物考又補白氏

文集之點新點元氏集其餘漢魏叢書之內數部

荀子呂氏春秋文中子選詩風雅翼文章軌範古

逸詩載世說等皆加點諸生各分勤之皆有跋文

其餘左傳文選韓文柳文等所對讀若干部又自

去春口授伯庸點資治通鑑

十二年壬子五十  
五歲

今春賜官材營學寮於聖堂之東聚諸生所謂東寮是也先是所有稱西寮以分之

八月八日前橋少將來儀十八日小田原拾遺來

儀共設饗應少將知余三十餘年拾遺素與先

考有舊好余亦自少出入其門故兩老共被懇遇

○十二月二十八日春常叙法眼位

今年講畢周子通書又自去年講職原至是年而

終有會通十六卷

延寶元年癸丑 五十 六歲

今春講朱子感興詩作私考三月屢說櫻花作管

春錄秋作兩朝時令加賀羽林所求也又作本朝

言行錄酒井河內守所求也

今年論語諺解成又自去年作孟子諺解讀歷史

終宋齊梁陳南史

二年甲寅 五十 七歲

今春講大學或問至仲冬而終

七月九日次孫藤松生

八月依諸老之旨作吉田社勘文 凡延出之事有告達於武家則



時時布  
顧問

頃間長崎呈吳三桂鄭錦舍檄文作諺解是後每  
度皆然

今冬有命葺修先聖殿

今年春常講詩經畢

見畢魏北齊後周北史

三年乙卯 五十八歲

今春春常講書經 有重考

余講中庸或問

仲秋釋菜水戶參議來觀之

十一月依小田原拾遺求作關東行賞錄

臘月使諸生點檢家集記作文目錄殆近二千篇

詩雖不逞數之及萬首乎

是年見畢隋書唐書

四年丙辰 五十九歲

仲春釋菜前橋少將小田原拾遺土浦拾遺 土屋但馬

守來觀祭畢於北塾進膳

四月孟子諺解成

五月二日藤松矢

今冬講畢中庸或問

十一月九日春東歸泉事見十二月十二日賜遺

跡於養子

今年見畢五代史宋史自庚戌春至今冬歷七年

資治通鑑點至五代終後唐其末纔殘

五年丁巳六十歲

今春講毛詩序尚書序而作私考覽畢遼金二史

○三月資治通鑑點成終全部之功自庚戌之春至此相庸執

筆凡八年

今夏覽元史

五月纂百花百鳥詩

七月二十三日覽畢元史至此二十一史全加朱

點

九月二十五日周易程傳考起筆以其次作周易

私考翼及周易新見至閏臘上旬程易至豫卦翼

六至離卦新見至蠱卦

同月宋元通鑑加點及閏臘至宋仁宗之半

閏臘作本朝三十六對小傳松平至殿頭所求也

六年戊午 六十  
一歲

正月講左傳序而作私考

仲春釋菜加賀中將來觀之

七月程傳考成私考翼新見共成三部合四十八

冊

八月春常講書經畢

九月繫辭考起筆

十一月春常開周易本義講筵

今冬見儀禮經傳集解加朱

七年己未 六十  
二歲

正月講西銘作私考

仲春釋菜仙臺少將藤綱村來觀稻葉丹後守同

道又於別座執政久世大和守廣之大久保加賀

守忠朝來觀各別設飲食

今春園中櫻花新立八名并先年所名三十六品

又別設十名總四十六種各作詩為一帖

今夏應小田原拾遺求國史實錄起筆自補武至

稱德其未成應水戶參議求纂本朝近代人  
一首續集又依堀田備中守請作牧民忠告諺解  
○今秋見古今人物論崇正辨異端辨正  
秋冬之間一見大學衍義補漢魏叢書杜詩集註  
此等數篇猶未終卷  
孟秋依小田原拾遺求撰定本朝武將三十六人  
畫土法眼狩野永真圖之其中六將余贊之其餘  
三十將春常贊之

十一月四日余臥病踰月困勞飲法眼澁江長怡

藥幸不至危急然自覺不能復本小田原拾遺問  
病安否其使者懇至前橋少將亦丁寧且佐倉四  
品土井能登守堀田備中守三執政及松平因幡  
守以下皆寄使十二月二十日小田原拾遺自來  
問余病

八年庚申

六十  
三歲

正月余病自若不能登營在家久臥故致仕之  
志決于此

二月上旬改長怡藥飲前典藥頭橋玄淵藥

同月十日頼阿倍政重就於松平因幡守石川美作  
守麾下兩執事此月請致仕事因幡守爲當番自山侍從源基玄  
同行政重濂達前橋小田原兩大老并三執政二  
八月二十三日兩大老三執政兩執事會於殿中  
示諭春常傳公命官祿如前例賜春常且家  
料俸支無別儀又殊賜春常所食月俸於余以爲  
退老之營此月二十八日讓先聖殿及弘文院  
書院於春常三月四日堀田備中守來問病且賀  
致仕同月六日余代春常移六義堂以養老同月

二十日松平因幡守來問余閑居凡自去冬臥病  
以來至致仕貴戚元老執政及舊交之輩使問有  
差

右一卷先生所自撰也今茲之春先生  
自知其病不起請官致仕厥後得此快驗而  
撰定所曾作譜略示僕曰余自少壯於公事可  
謂勞矣於家業可謂勤矣然汝所不視所不聽  
其不能知焉他日汝爲余作年譜則以之爲階  
梯刪其繁撮其要而可也僕嗚咽不能答焉及

夏之初病痾再發逐日增重五月五日遂卒于  
正寢享年六十三嗚呼哀哉非獨以家業衰弊  
之私而哀之方爲日本學道之機而哭之豈  
唯父子恩愛之哀情而已哉知與不知無不拊  
胸而嘆惜之方今沒後對此卷一字一淚心神  
誓伏不能讀焉片言隻行猶欲使人知之豈安  
略一言哉乃不省一字不贊一辭藏之巾笥時  
時拜讀追慕昔日教導之恩也在昔趙岐自爲  
壽藏陶元亮自作祭文傳奕自爲墓誌白居易

自作墓銘所謂知歟不惑者也如先生亦是  
一轍也因書數語以爲後證  
延寶八年庚申七月廿四日

不肖孤鷲泣書

我鳥峰先生

我鳥峰先生林學士集附錄

終

Faint vertical text columns, likely bleed-through from the reverse side of the page.

